

NY MPITARI-DÀLANA



Hitahy anao ny Tompo, Rahalahy Neville.

Faly indrindra aho raha tafaverina eto am-piangonana izao hariva izao. Somary farim-peo. Tahaka ny lava ilay Hafatra tamin'ny maraina, fa faly tokoa aho fa teto Izany, na izany aza. Ary nahafaly ny tenako Izany, teo am-pitondrana Izany, ary antenaiko fa nahafaly anareo ny nandre Izany. [Hoy ny mpiangona, “Amena.”—Mpand.]

² Aza adino ankehitriny, tsarovy hatrany izao, fa ireo zavatra ireo no manorina ny mpanompon'i Kristy. Hitanareo, finoana aloha, avy eo fahatanjahan-tsaina. Ary tsarovy ankehitriny, fa tsy afaka ny hanarona ny tranon'Andriamanitra ny Fanahy Masina raha tsy efa miasa amin'ny alalan'ny Fanahy ireo zavatra ireo. Na inona mety ataoareo, hitanareo. Ireo no zavatra manorina ny Tenan'i Kristy, hitanareo, ireo zavatra ireo. Ankehitriny, aza adino izany, ity *eto* ity no voalohany, dia ny finoanareo. Fahatanjahan-tsaina, fahalalana, sy ny sisa, no ilaina miampy amin'io, mandra-pahatongan'ny tsanganan'i Kristy feno ho tonga voaseho, tonga ambonin'io avy eo ny Fanahy Masina ka manisy tombo-kase an'io ho Tena iray. Tsy maintsy eo ireo zavatra ireo. Izay no antony, hoy Jesosy, “Ny voany no ahafantarana azy.” Hitanareo, voa! Tsy afaka ny hitondra voa ianareo raha tsy ireo zavatra ireo no mitondra azy ao anatinareo. Koa rehefa alain'izany ny toeran'ireo fomban'izao tontolo izao sy—sy ireo fomba ratsy, sy ny sisa, dia ho voaroaka ny tsi-finoana rehetra, dia hifarana ny zavatr'izao tontolo izao rehetra, ka tsy hisy afa-tsy olom-baovao ao amin'i Kristy sisa no eo. Avy eo milaza ny Efesiana 4:30, “Aza mampalahelo ny Fanahy Masin'Andriamanitra, izay nanisiana tombokase anareo ho amin'ny andro fanavotana.” Voaisy tombokase ao amin'ny Fanjak'an'Andriamanitra! Ankehitriny, aza adino izany. Tazony an-tsaina izany ankehitriny, raiso aloha *ireto* zavatra ireto. Avy eo ny Fanahy Masina no tombokase, ilay Sarona izay manisy tombokase antsika ao amin'ilay Tena. Marina izany.

³ Manana fa—fangataham-bavaka isika eto ho an'i Ranabavy Little, avy any Chicago, nisy lozam-piarakodia nahazo ny vadiny ary efa an-dàlam-pahafatesana izy, Ranabavy Little. Ary Edith Wright, ilay anabavintsika eto izay efa fantatsika hatry ny ela, izy dia tena, tena marary, ao an-tranony izao hariva izao, ka tian'izy ireo ny hampilaza an'izao amin'ny fiangonana mba ahafahantsika rehetra hiara-hivavaka ho an'ity fangatahana ity. Ndeha àry isika izao hanondrika ny lohantsika fotoana fohey monja.

⁴ Ry malalanay, Ray An-danitra, miangona manodidina (am-pinoana) ny Seza fiandrianan'Andriamanitra izahay, sady mangataka ny famindrampon'Andriamanitra izahay ho an'ireto fangatahana ireto. Rahalahy Little, lozam-piarakodia, efa ho faty. Andriamanitra, ampio izy. Aoka ny Fanahy Masina ho eo anilan'ny fandriany ka hamerina azy ho eto aminay, Tompo. Edith Wright kely koa any, mangataka aho, Andriamanitra, mba ho eo anilan'ny fandriany ny Fanahy Masina izao hariva izao ka hampody ny fahasalamany aminy indray. Ekeo izany, Ray. Nampanantena an'ireo zavatra ireo Ianao, sady inoanay ireo. Ary raha mandinika izahay izao maraina izao, tsy midika inona Aminao ny elanelana, Ianao no ilay ampahany lehibe amin'izao tontolo izao toy ny maha-izany Anao amin'ny hafa, satria Ianao dia manerana, manan-kery, ary tsy manam-pahataperana. Ary mangataka izahay, Ray, ny mba Hanekenoa an'ireto fangatahana ireto amin'ny alalan'ny Anaran'i Jesosy Kristy. Amena.

⁵ Tena mahafaly ny maha-eto indray izao hariva izao, mba... Ary fantatro fa mafana. Fivoriana in-telo nisesy ireto, ary izany dia... Fantatro fa ny sasany aminareo no tsy maintsy handeha diman-jato maily amin'ny fiara izao sy rahamaraina. Ary manomboka afakampitso, tsy maintsy handeha fiara efajato sy arivo maily aho aorian'izao. Koa, koa izaho—izaho dia manantena fa ho fotoana lehibe ho anareo rehetra ity. Ary fotoana lehibe ho ahy ny namangy anareo. Zavatra tokana ihany no nangatahantsika, fa maro no tsy maintsy niverina satria tsy nisy efitrano, tsy afaka ny mameno loatra ny lalantsara isika, tsy eken'ny mpamonyj hai-trano izany. Koa miezaka isika ankehitriny ny hahazo fiangonana kely lehibe kokoa, mba rehefa ao isika, dia ho afaka ny hanana efitrano hipetrahana ho an'ny olona.

⁶ Ary ankehitriny, amin'ny fotoana rehetra, dia tonga soa ato amin'ny tabernakely hatrany ianareo, izay tsy misy faneke-pinoana anananay afa-tsy Kristy, tsy misy lalana afa-tsy fitiavana, tsy misy boky afa-tsy ny Baiboly. Ary koa... Ary Rahalahy Orman Neville no pastorantsika eto. Ary isika dia manana fiangonana eto an'ny—an'ny olona maro izay miangona ato amin'ny maha-tabernakely tsy anaram-piangonana azy, izay ahatongavanareo eto sy hanompoanareo an'Andriamanitra arak'izay lazain'ny fieritreretanareo manokana. Faly foana izahay ny hanana anareo. Koa tongava rehefa azonareo atao, faly foana izahay ny handray anareo.

⁷ Ary ankehitriny ny fotoana manaraka, araka ny fahalalako, hiarahako aminareo, dia aorian'ny fahavitan'ny fiangonana. Ary tiako eo, aorian'ireo *Taonan'ny Fiangonana*, tantsika eto ny hiroso ny amin'ireo *Tombokase* fito farany, dia ireo *Tombokase* fito farany ao amin'ny Bokin'ny Apokalypsy, ny hampianatra an'Izany.

⁸ Ary ankehitriny matetika tokoa no misy fotoana izay hahatongavan'ny marary sy marofy, ary mandritra ireto fivoriana ireto, izay ilàna ny fahitàna, sy ny tonga ho an'ny fihaonana manokana. Raha miditra amin'izany aho, izaho—izaho amin'izay fotoana izay dia tsy hahavita ny fanavahana an'ireo intsony, ka, tsia, sarotra ho ahy ny hiteny aorian'izany. Ary ny rehetra dia mahalala fa mandritra ny asam-pitorianay ho an'ny fanasitranana, dia Atoa. Baxter mazàna na olon-kafa no manao ny fitoriana, dia mivoaka aho mba hivavaka ho an'ny marary, satria somary mandreraka kely izany. Ary nivavaka ho an'ny olona vitsivitsy aho vao tsy ela, ary tamin'izay aho no nihaona tamin'ny ankizikely anankiray nataon'ny dokotera... nisy zavatra tao amin'ny lamosiny, hatramin'ny nahaterahany. Teo am-pivoahana, dia hitako izy nipetraka teo sady nisy plàtira. Tsy tokony ho kilemaina toy izao intsony io ankizy io, fa ho salama izy. Eny, izany tokoa, hitanareo. Izay ilay izy, fantatro izany. Hitanareo, matoky aho ny amin'izany. Koa tiantsika ny banana ny finoantsika ka hino an'Andriamanitra.

⁹ Ny tsirairay aminareo, sady maro aminareo no vahiny amiko, ny mpanompon'Andriamanitra rehetra sy ny sisa. Raha tsy diso aho, Rahalahy Crase io. Marina ve izany? Rahalahy Crase, izaho—izaho tena miala-tsiny aminao, noho ny tsy nahatongavako tany tamin'ilay fanokànana. Angamba ho tonga any aho mandritra ny fivorian'ny faran'ny herinandro, ho tsara tokoa izany. Marina ve izany? Any Bloomington any. Salama tsara ve ianao? Tsara izany. Mpanompon'Andriamanitra ny sasany amin'ireto rahalahy eto ireto, raha ny fahitako. Mpanompon'Andriamanitra ve ianao? Eny, tompoko. Hitahy anao ny Tompo. Fa firy no mpanompon'Andriamanitra ato amin'ny efi-trano, ataovy hitanay hoe ny tànanareo. Eny, tsara tokoa izany. Faly izahay manana anareo eto, tena faly tokoa. Hitahy anareo mandrakariva Andriamanitra!

¹⁰ Ankehitriny, mba ahafahantsika mivoaka arak'izay haingana, ny sasany amin'izy ireo ho any Georgia, Tennessee, New York, n'aiza n'aiza, hatramin'ny izao hariva izao, manomboka izao hariva izao. Fa, mitondrà fiara ampitandremana tsara eny an-dàlana. Raha te-hatory ianareo, ka tsy tianareo ny ho any amin'ny hotely fatoriana, dia mijanona eny amin'ny sisin-dàlana ka matoria mandra-paha... Izay no fomba fanaoko. Hitanareo, mijanona fotsiny ka matoria. Aza, aza mitondra fiara rehefa te-hatory. Zavatra ratsy izany. Ary, tsarovy, fa tsy ianareo, fa ilay namana mifanena aminareo no tsy maintsy ho jerenareo. Hitanareo? Ianareo mahalala izay halehanareo, fa tsy fantatrareo izay halehany, koa—koa tsy maintsy mijery an'io olona io ianareo. Koa, manàna antoka fa mailo ianareo amin'ny fotoana rehetra, hijerena tsara an'io.

¹¹ Ankehitriny, iriko ny hamaky ampahany iray an'ny Soratra Masina izay hita ao amin'ny Bokin'ny Masindahy Jaona

izao hariva izao. Ankehitriny, ireto Soratra Masina vitsy hovakintsika sy hitodantsika ireto, dia hanome antsika fototra anankiray ho an'izay ezahantsika holazaina. Ary isan'andro, tsy mbola nanana fotoana mihitsy aho, toa tsy mbola tsaroako mihitsy, ka hoe tonga teo amin'ny polipitra, mba hiezaka ny hiteniteny zavatra fotsiny. Miezaka miandry foana aho, mijery, mandinika, mivavaka, mandra-pahatsapako fa manana zavatra izay afaka hanampy ny olona aho. Raha tsy afaka ny ho fanampiana aho, tsy misy ilàna ahy hijoro eto, hitanareo. Izany hoe, miezaka ny hanampy! Ary izao hariva izao, marina fa, ampahany betsaka tamin'ny vahoakantsika no efa lasa hatramin'ny maraina, ary tsy maintsy nody izy ireo, ny maro tamin'izy ireo. Saingy, izao hariva izao, nilaza taminareo aho fa raha mijanona ianareo dia hiezaka isika eo amin'ny dimy amby efa-polo minitra fotsiny hiresaka zavatra izay antenaiko fa hanampy antsika. Ary dia hataontsika fototr'izany ankehitriny ny ao amin'ny Masindahy Jaona, ny toko faha 16, ary ndao hatombontsika eo amin'ny—ny andinin faha 7 amin'ny toko faha 16, dia hovakina hatramin'ny—ny andinin faha 15.

Fa izaho milaza ny marina aminareo; Mahatsara anareo ny fialàko: fa raha tsy hiala aho, dia tsy ho avy aty aminareo ny Mpamananatra; fa raha handeha aho, dia hirahiko ho aty aminareo izy.

Ary raha tonga izy, dia hampiaiky izao tontolo izao ny fahotana, sy ny fahamarinana, ary ny fitsarana:

Ny fahotana, satria tsy mino ahy izy;

Ny fahamarinana, satria mankany amin'ny Ray aho, ka tsy mahita ahy intsony ianareo;

Mbola manana zavatra maro holazaina aminareo aho, nefä tsy zakanareo ankehitriny.

Fa raha izy, ny Fanahin'ny fahamarinana, no tonga, dia izy no hitari-dàlana anareo ho amin'ny marina rehetra: fa tsy hiteny ho azy izy; fa izay ho reny, dia holazainy avokoa; ary ny zavatra ho avy aza dia hambarany aminareo.

Fa, izy hankalaza ahy: fa handray avy amin'ny ahy izy, ka hanambara izany aminareo.

Izay rehetra ananan'ny Ray no—dia ahy avokoa: koa izany no nilazako, fa mandray avy amin'ny ahy izy, ka hanambara izany aminareo.

¹² Ankehitriny amin'ity andinin faha 13. “Fa raha tonga ny Fanahin'ny Fahamarinana, dia Izy no hitari-dàlana anareo ho amin'ny Marina rehetra. Rehefa tonga ny Fanahin'ny Fahamarinana, dia Izy no hitari-dàlana anareo ho amin'ny

Marina rehetra.” Inona no Marina? Ny Teny. “Fa hiteny Izzy, tsy hiteny ho Azy Izzy; fa izay Reny, no Holazainy. Izay Reny, no Holazainy.” Amin’ny fiteny hafa, dia ho Izzy Ilay hanambara an’ilay zavatra, hitanareo. Ary Hebreo toko faha 4, milaza ny Baiboly fa “Maranitra ny Tenin’Andriamanitra, mahery noho ny sabatra roa lela, ka—ka Mpamantatra ny eritrerity ny fisainana, ny fo.” Hitanareo, “Izay Reny, no Holazainy, ary Hambarany aminareo ireo zavatra ho avy.” Hitanareo? Inona no hanao izany? Ny Fanahy Masina Izay ho avy amin’ny Anaran’ny Tompo Jesosy.

¹³ Ary tiako ny haka an’ireto minitra vitsy manaraka eto mba hisintona ny fitandremanareo ny amin’ny teny hoe “mpitari-dàlana,” *Ny Mpitari-dàlana*. Fantatrareo, fa manana fahatsapana maro ihany aho any anaty ala. Ny mpitari-dàlana, dia olona maneho aminareo ny manodidina. Tokony hanana mpitari-dàlana iray ianareo rehefa tsy fantatrareo izay halehanareo. Ary noho ny fahazarako mihaza, sy ny tontolo manodidina, dia nanana ny—ny anjara nihaona tamin’ireo mpitari-dàlana aho. Izaho koa dia mpitari-dàlana iray, ny tenako, tany Colorado, satria nahafantatra an’ilay faritany, niandry omby, sy ny sisa, afaka mitari-dàlana aho any Colorado.

¹⁴ Ankehitriny, ny mpitari-dàlana dia tokony hahafantatra ny lâlana. Tokony ho fantany izay halehany sy izay hataony, sy ny fomba hiahiny anareo mandritra ny dia. Hitanareo? Tsy maintsy jereny fa tsy ho very ianareo. Ny mpitari-dàlana dia olona noidrina. Ny fanjakana no mifidy an’io lehilahy io raha mpitari-dàlana izy. Ary, eo, raha manao dia ho any an-efitra ianareo, izay angamba mbola tsy nalehanareo taloha, dia tsy ho zavatra tsara ho anareo ny handeha any tsy misy anankiray. Tena marina, misy toerana sasany tsy azonareo aleha aza raha tsy misy anankiray, ohatra, Canada. Ny—ny mpitari-dàlana no tokony hanao sonia ny fahazoan-dàlanareo ho an’ilay mpiandry fihazâna. Izy tenany no tokony hanao sonia ao, ary izy no tompon’andraikitra ny aminareo. Raha misy zavatra manjo anareo, dia andraikiny izany. Tsy maintsy miahy ny aminareo izy. Tsy maintsy mijery izy hoe tsy very ianareo. Tsy maintsy azony antoka fa tsy mandefa anareo any amin’ny faritra izay tsy ahafantaranareo ny lâlanareo miverina izy. Ary raha very ianareo, dia tsy maintsy fantany tsara tokoa ilay faritany mba ahafahany maka anareo amin’ny fotoana rehetra. Tsy maintsy fantany ireo zavatra rehetra ireo raha tsy izany dia tsy afaka ny ho mpitari-dàlana izy, tsy hahazo fahazoan-dàlana ho mpitari-dàlana izy.

¹⁵ Ho an’ireo zavatra ireo, indraindray ianareo dia tsy maintsy manana fangataham-pihaonana, miantso mialoha ary manao fifandaminana, mahazo famandrihan-toerana mba hakana anareo. Ary raha ny... Indraindray dia feno izy ka tsy afaka ny hàka anareo izy, tsy maintsy ajanonareo kely ilay izy, ho—ho an’ilay mpitari-dàlana ety an-tany. Tsy tokony hanao an’izany

mihitsy ianareo amin'ilay Mpitari-dàlan'Andriamanitra, vonona foana Izý, vonona foana.

¹⁶ Ankehitriny, raha tsy ataonareo izay hahavita an'ireo fanomanana ireo, nefä mikasa ny handehandeha ho any an-efitra izay tsy mbola nalehanareo tany aloha ianareo, dia mety ho very ianareo, ary ho faty. Eo amin'ny iray isan-jato eo no mety anjara hahatafavoaka anareo avy ao an-efitra, izany hoe, raha tsy dia mikitroka loatra ilay izy, dia mety ho iray isan-jato ny anjara hahatafavoaka anareo ao amin'ny alalan'ny tenanareo. Fa raha tena an-efitra ratsy io, ny fiverenana, tsy hanana anjara ny ho tafavoaka ianareo. Tsy misy fomba hanaovana an'izany, satria hahita ny tenanareo eo amin'ny lâlan'ny fahafatesana ianareo, ary amin'izay ianareo—ianareo dia ho vita, dia ho tapitra ny aminareo. Eny, ary ho faty ianareo raha tsy manana mpitari-dàlana anankiray izay mahalala ny faritany sy mahalala hoe ahoana no hiverenana.

¹⁷ Maro aminareo no nahalala an'ilay lahatsoratra izay novakinareo tamin'ny taona lasa tao Tucson, Arizona, ireto Zatovo Tily. Kanefa, dia efa nofanina izy ireo mba hahalala hoe ahoana no hitandremany ny tenany, tily izy ireo. Ary tsy hoe Tily Kely fotsiny izy ireo, fa tena tily feno izy ireo. Ary nandehandeha niakatra tany an-tendrombohitra izy ireo, ka tonga ny rivo-panala anankiray, dia niova endrika ny natiora. Ary rehefa nahita ny tenany fa very izy ireo dia maty izy rehetra, satria izy ireo... nisy zavatra, nisy fiovan-javatra teo amin'ilay nahazatra, ka tsy hainy ny fomba nivoahana. Hitanareo? Ary adinoko hoe firy ny isan'ny zatovo izay maty tany an-tendrombohitra, na dia nanana elikoptera aza izy ireo, sy ireo Milisy nankany, sy ireo Mpiaendry Ara-panjakana, sy ireo mpamponjy voina antsitrapo, sy ny sisa. Fa very izy ireo, tsy nisy nahalala hoe taiza izy ireo. Sady tsy nahay niahys ny tenany izy ireo. Maty tao amin'ny ranomandry izy rehetra satria tsy fantany intsony hoe nandeha niatsinanana ve izy ireo, nianavaratra, niakandrefana sa nianatsimo, niakatra sa nidina, na ahoana izy ity, tahaka ny mitovy ny zavatra rehetra.

¹⁸ Ankehitriny, ny mpitari-dàlana dia mahafantatra hoe aiza izy izao, na inona na inona toetr'andro. Izy dia—izy dia nomanina hanao an'izany. Fantany izay hataony. Efa zatra amin'ny zavatra rehetra izy. Fantany ny endriky ny zavatra rehetra, koa afaka ny ho ao anatin'ny haizina izy nefä afaka mahatsapa zavatra iray.

¹⁹ Ohatra, indro misy fanao hatry ny ela an'ny mpitari-dàlana anankiray. Fantatrareo, raha afaka mijery ny kintana ianareo, tsy misy n'iza n'iza afaka ny hilaza hoe iza no lâlana halehanareo raha tsy mijery ny kintana ianareo. Ary te-hijery izay tena kintana marina foana ianareo. Anankiray ihany no tena kintana marina, ary izany dia ny Kintana Avaratra. Hitanareo, anankiray ihany, mijanona eo amin'ny toerana tsy miova izy io. Maneho

an'i Kristy izany, ilay tsy miova omaly, anio, ary mandrakizay. Ny hafa mety mirenireny any, fa Izzy kosa mitoetra tsy miova. Ny Fiagonana mety hisintona anareo amin'ity lèlana ity ireo, na ny sasany hisintona anareo amin'iry lèlana iry; fa tsy Izzy, tsy miova hatrany Izzy.

²⁰ Koa, eto, raha tsy mahita an'io Kintana Avaratra io ianareo, ka mandrahona ny andro, dia ho tsikaritraiseo amin'izay, fa atoandro io fa ianareo no very, raha mijery ny hazo ianareo. Ny hazo dia izao foana, ny volon-kazo dia eo amin'ny ilany avaratry ny hazo, satria ny ilany atsimon'ny hazo no mahazo masoandro betsaka noho ny ilany avaratra. Fa ahoana àry raha maizina ka tsy hitanareo ilay volon-kazo? Raha hakipinareo ny masonareo ka tsy miezaka ny hisaina na inona na inona ianareo, hakipio ny masonareo ka makà hazo malama hoditra, ataovy manodidina ny hazo toy izao ny tènanareo mandra-pihaonan'ireo ratsantananareo, ka manomboha mandeha mihodina moramora an'io hazo io avy eo. Ary rehefa mandona faritra iray izay misy ny hodi-kazo tena matevina ianareo, vakivaky, dia io no ilany avaratra (ny rivotra), dia afaka miteny ianareo hoe lèlana iza no hizoranareo, avaratra sa atsimo. Ary izay fomba izay, oh, misy zavatra maro, saingy tsy maintsy mpitari-dàlana vao mahafantatra ny fanaovana an'ireo zavatra ireo. Fa ny olona tsotra anankiray dia hitsangana eo ka hilaza hoe, "Tsy tsapako ny fahasamihafana eo amin'io." Hitanareo? Hitanareo, tsy maintsy voaoefana ho amin'izany fitarihan-dàlana izany ianareo.

²¹ Ary ireto zatovo ireto, tsy isalasalana fa tena tily mahay izy ireo, mety nahay namatotra tady izy ireo, mety nahay nampirehitra afo tamin'ny vato izy ireo, sy ny sisa toy izany. Saingy ny mahafantatra ny lèlana fivoahanareo, izay no ilaina! Izzy ireo, izy ireo tsy nafantantatra ny lèlana fivoahany, koa noho izany dia maty izy rehetra satria tsy naka mpitari-dàlana niaraka taminy.

²² Ray tsy ampy fisainana anankiray, roa taona lasa, tao Colorado, oh, niakatra tany an-tendrombohitra izy, nanana zazalahy kely anankiray izy teo amin'ny enina, fito taona. Sambany no nitondrany azy hihaza diera. Koa dia niakatra avo teny ambony tendrombohitra izy ireo, ary hoy ilay zazalahy kely tamin'ny dadany, "Reraka aho izany."

²³ "Miakàra ato an-damosiko. Mbola tsy avo tsara no misy antsika, any amin'ny avo no misy ny diera." Nandroso dia nandroso dia nandroso ilay lehilahy mandra-paha... Tsy nahafantatra izy, olon'ny tanàn-dehibe izy. Tsy misy fantany hoe ahoana izany mihaza na aiza no aleha. Izay olona mahalala zavatra momba ny an-efitra dia mahalala fa tsy mijanona any ambony any ny diera. Tsy mankany ambony any izy ireny. Ny osivavy no mijanona eny, fa tsy ny diera. Eny ambany

izay ahafahany misakafo no misy azy, mankeny amin'izay misy zavatra hohanina izy ireo. Koa, dia, fa nieritreritra ity lehilahy ity hoe, "Raha miakatra eny amin'ny vatolampy eny ho eny aho, dia hahita lahiny lehibe anankiray." Efa nahita ny sarin'ny sasan-tsasany nitsangana—nitsangana teo amin'ny vatolampy izy, ka noheveriny fa eo no hahitany azy. Aza miantehitra amin'ireny zavatra amin'ny magazina vakina ireny, oadray, oh, oadray, hahazonofy ratsy ianareo! Fa, zavatra iray ihany no tokony atao, dia ny maka mpitari-dàlana mba ahalalanareo hoe aiza no misy anareo.

²⁴ Fa io ray io, nisy orana nilatsaka indray mandeha teny ambony teny, toy ireny orana tonga tampoka ireny. Ary tara loatra ny fihazàn'ilay lehilahy, hany ka tratry ny aizina izy ka tsy nahita ny lèlana hiverenany intsony. Ary ny... avy eo dia namely ny tampon-tendrombohitra ny rivotra, dia nandeha faingana izy, ka izay...

²⁵ Tsy maintsy fantatrareo hoe ahoana no fahari-miaina, raha tratra ao amin'izany ianareo. Misy zavatra hafa anankiray koa, ny mahafantra hoe ahoana no fahari-miaina! Nihanika teny ambony hazo aho ary nikorisa hatreny ambany, dia nihanika ambony hazo ary nikorisa ambany, niaka-nidina toy izany, mba ho velona. Naka ranomandry aho rehefa ho efatra dia ny hateviny teo amin'ny lafiny tsirairay, nanapaka tapa-kazo iray dia napetrako teo. Ary noana loatra aho ka saiky tsy tantiko ilay izy! Ary notapahiko ireo tapa-kazo, dia nampirehetiko izy ireo ka navelako hafana ka nampitsonika an'ilay ranomandry. Ary teo amin'ny iray maraina teo, na tamin'ny roa, nesoriko ireo tapa-kazo, dia nitsilany teo amin'io tany mafana io aho, mba ho velona. Fa tsy maintsy fantatrareo hoe ahoana no hanaovana an'ireo zavatra ireo.

²⁶ Fa ity lehilahy ity tsy nahalala izay nataony, tsy nanana olona niaraka taminy izy hitarika azy. Dia nofihininy teo antatrany ilay zanany kely mandra-pahatsapany fa nangatsiaka izy io ary maty. Tsy ampy fisainana! Raha nàka mpitari-dàlana niaraka taminy mantsy izy, dia ho vitany ny namerina azy nidina ny tendrombohitra na tamin'ny firy na tamin'ny firy, hitanareo. Saingy niandry izy mandra-pahatongan'ny haizina, hany ka tsy hitany intsony tamin'izay ny lèlana halehany.

²⁷ Izay no olana eo amin'ireo Kristiana ankehitriny. Miandry izy ireo mandra-pahatongan'ny haizina maka toerana, eo vao hitanareo fa nandeha tsy nisy Mpitari-dàlana ianareo. Ny Mpitari-dàlana!

²⁸ Eny, efa mba nahita olona anankiray very ve ianareo? Misy mba efa nanana fahatsapana namerina olona very ve? Io no zavatra mampahonena indrindra mety ho hitanareo. Rehefa very ny olona iray, dia lasa olon-dia izy. Tsy fantany izay ataony. Nahita lehilahy iray izahay, zatovo iray, ary very tany anaty ala

izy, ary efa nieritreritra izy... Mpiasan'ny toeram-piommpiana iray izy, saingy tao amin'ny faritra tsy nahazatra azy izy ka dia very, nihodinkodina tao. Ary rehefa hitan'izy ireo izy telo andro taty aoriana, dia nihazakazaka toy ny olon-dia, nihika tamin'ny faratampon'ny feony. Vakivaky avokoa ny molony, ary nariany ny basiny ka tsy fantany izay hatao. Ary rehefa ny rahalahiny mihitsy, rehefa... Tsy maintsy nisambotra azy izy ireo ary namatotra azy. Rehefa tonga teo aminy ny rahalahiny, dia novelesiny tahaka ny biby, notadiaviny hokakerina, tsy fantany intsony hoe taiza izy. Nahoana? Very izy. Ary rehefa very ny olona iray, dia ao anatina fahaverezan-kevitra izy. Ary tsy fantany hoe izay no manjo azy, satria ny fahaverezany no mandefa an'io tazo io eo aminy, ka tsy fantany hoe aiza izy sy ny hoe ahoana no hatao.

²⁹ Dia toy izany koa rehefa very lavitra an'Andriamanitra ny olona iray! Hanao zavatra tsy fanaony andavan'andro izy. Hanao zavatra izay—izay ivelan'ireo fisainan'ny fanaon'olombelona izy. Ny olona very lavitra an'Andriamanitra, ny fiangonana very lavitra an'Andriamanitra, ny fiangonana izay nandeha nanalavitra an'Andriamanitra, nanalavitra an'ireo fitsipiky ny Baibolin'Andriamanitra, dia hanao zavatra izay matetika tsy noheverinareo ho hita ao amin'ny fiangonan'Andriamanitra velona. Hahazo ny volany amin'ny filalaovana loto izy ireo, milalao lottery, miloka, izay rehetra azony atao. Hampianatra zavatra izy ireo, hamela zavatra hilamindamina, mikapokapoka ny lamosin'ny olona izay mpandoa vola be ao am-piangonana, sy ny sisa toy izany, ary mamela azy ireo hanao ny ataony amin'izany. Marina izany. Mametraka diakona ao amin'ny komity izay efa nanambady inefatra na in-dimy, mba hahatonga an'ilay izy hilamindamina fotsiny, hanao izay hihaonan'ireo farany. Farany anankiray ihany no tsy maintsy hihaonanareo, izao izany, ny adidinareo amin'Andriamanitra. Mijoroa ka lazao ny Marina! Very, ny olona very dia ao anatina fahaverezan-kevitra, olona adala anankiray izy.

³⁰ Ilay mpitari-dàlana no manana fahalalana, hoe ahoana no handehanana sy inona no hatao. Andriamanitra ao... Mandefa mpitari-dàlana foana Andriamanitra ho an'ny Vahoakany. Tsy diso tamin'izany mihitsy Andriamanitra. Mandefa mpitari-dàlana Izy, saingy ianareo kosa no tokony ny manaiky an'io mpitari-dàlana io. Hitanareo? Tokony hino an'io ianareo. Tokony handeha amin'izay làlana lazainy ianareo. Raha mankany anefitra ianareo, ka milaza ny mpitari-dàlanareo hoe "aty no alehantsika," nefá ianareo mihevitra fa *iry* no alehantsika, dia ho tonga very ianareo. Ka rehefa ianareo... Mandefa mpitari-dàlana ho antsika Andriamanitra mba hitari-dàlana antsika, isika dia tokony hanaraka an'io mpitari-dàlana io. Na inona na inona neverintsika, na dia toy ny mety na toy ny hafahafa,

tsy natao hanavaka an'izany isika, ny mpitari-dàlana izy irery ihany.

³¹ Andriamanitra, tao amin'ny Testamenta Taloha, dia nandefa mpaminany. Mpitari-dàlana izy ireny, satria tonga tamin'ny mpaminany ny Tenin'Andriamanitra. Mpitari-dàlana izy ireny. Nanome toro-làlana ho an'ny vahoaka izy ireo toy ny hitantsika omaly hariva, ny amin'i Isaia sy Ozia. Nandray toro-làlana izy ireo, ary nanome toro-làlana ho an'ny olona ka nitari-dàlana azy ireo. Ary ankehitriny koa dia nandefa an'ireo Mpitari-dàlany foana Andriamanitra, tsy mbola tsy niaraka tamina mpitari-dàlana anankiray mihitsy Izzy, nandritra ny taona rehetra. Nanana olona foana Andriamanitra izay naneho Azy teto amin'ity tany ity, tao amin'ny taona rehetra.

³² Ankehitriny, matetika ny olona miala amin'ilay mpitari-dàlana, "miala amin'ny faritra," toy ny fiantsoantsika azy. Fony teto an-tany Jesosy, tsy tsaroanareo ve fa Jesosy nilaza tamin'ireo Fariseo hoe, "Ry mpitari-dàlana jamba"? Mpitari-dàlana jamba, jamba amin'ireo zava-panahy. Hitanareo? Ankehitriny, natao ho mpitari-dàlana izy ireo, mpitari-dàlana ho an'ny olona, mitari-dàlana ny olona ho amin'ny famonjena. Nefa hoy Jesosy, "Jamba ianareo!" Ary hoy Izzy, "Avelao ihany izy ireo, satria raha ny jamba no mitarika jamba, tsy samy ho any an-kady va izy roa?" Mpitari-dàlana jamba! Oh, toy inona ny nahavoa mafy an'izao tontolo izao tamin'izany, ny fitarahan'ny jamba. Tsy mila ianareo hiankina amin'ny fahalalanareo manokana Izzy. Andriamanitra tsy mila anareo hiankina amin'ny fahalalanareo na ny fisainanareo, na izay fisainana nataon'olona.

³³ Mandefa Mpitari-dàlana anankiray Andriamanitra, ary tian'Andriamanitra ho tsaroanareo fa Mpitari-dàlany Voatendriny io. Ary tsy maintsy mahatsiaro Azy isika. Izao no Lazainy eto, hoy Jesosy, "Tsy handao anareo Aho, fa Izaho hangataka amin'ny Ray ary Izzy handefa Mpananatra hafa ho anareo." Ary io Mpananatra io, rehefa ho avy Izzy, no hitari-dàlana antsika ho amin'ny Marina rehetra. Ary ny Tenin'Andriamanitra no Marina, ary ny Teny dia Kristy, "Izaho no Lèlana, ny Fahamarinana, ary ny Fiainana." Izzy no Teny, "Tamin'ny voalohany ny Teny, ary ny Teny tao amin'Andriamanitra, ny Teny dia Andriamanitra. Ary ny Teny tonga nofo ka nonina tamintsika." Koa raha manaraka an'ilay tena Mpitari-dàlana isika, ny Fanahy Masina, dia tokony Holazainy antsika izay efa Hitany, izay efa Reny, ary tokony Hasehony antsika ny zavatra ho avy. Amena. Eo àry ianareo. Haneho anareo ny zavatra ho avy Izzy.

³⁴ Ary rehefa mandà an'Izany ny fiangonana ankehitriny, ahoana no mba hanantenantsika ny ho any An-danitra? Raha ny Fanahy Masina no nirahina ho antsika ho Mpitari-dàlana, dia ny kardinaly no halaintsika, ny eveka, ny mpanara-maso ambony,

na izay olona tahaka izany mba hitari-dàlana antsika, kanefa nomena antsika ny Fanahy Masina mba hitari-dàlana antsika.

³⁵ Fa ny Fanahy Masina dia hiteny foana ny Teny. “Manana zavatra maro holazaina aminareo aho, saingy tsy zakanareo Izany ankehitriny, fa raha ho avy Izy, dia Izy no hitari-dàlana anareo ho amin’Izany.” Izay no antony nihavian’ireo Tombokase. Amin’ny fiafaran’ny Tombokase Fahafito, dia hifarana ny zavamiafin’Andriamanitra, ka ahafantarana hoe Iza Andriamanitra, inona moa Izy, ahoana ny Fiainany, ny Toetrany, ny Tenany. Tokony efa ho *eto* ambony eto mihitsy ianareo amin’io fotoana io, hitanareo, hitondra antsika ho eo amin’ny fahafenoan’ilay tsanganan’ny zanakalahy sy zanakavavin’Andriamanitra, Fiangonana ananakiray izay voasasan’ny Ràn’i Kristy, izay novidina tsy tamim-bola, fa voaloa tamin’ny Ràn’i Jesosy Kristy.

³⁶ Ankehitriny, eo àry isika, ny Mpitari-dàlana, ary Izy no Mpitari-dàlana efa nomen’Andriamanitra. Ankehitriny, mamakivaky an-efitra isika ary eo amin’ny lâlan-tsika any ho any, fa tsy afaka handeha lavitra isika raha tsy misy an’io Mpitari-dàlana io. Aoka tsy hisy sahy hitady hanolo mpitari-dàlana hafa! Raha manao izany ianareo, dia hanala anareo eo amin’ny faritra izy. Ity Mpitari-dàlana ity no mahafantatra ny lâlana! Fantany ny antsipiran’ny lâlana. Fantany ny fisainana rehetra izay ao am-ponareo. Fantany ny olona rehetra izay eto. Fantany hoe iza ianao sy izay nataonao, sy ny momba anao rehetra. Izy no Mpitari-dàlana’Andriamanitra, ilay Fanahy Masina, ka haneho zavatra aminareo, ka hilaza an’izay zavatra Reny, afaka mamerina avy hatrany ny teninareo sy hilaza an’izay nolazainareo. Amena. Hilaza ny naха-izy anareo fahiny, izay misy eo aminareo, izay halehanareo. Ny Mpitari-dàlana, ilay Mpitari-dàlana marina, ary Izy no hitarika anareo ho amin’ny Marina rehetra, ary ny Teniny no Marina.

³⁷ Ankehitriny, ny Fanahy Masina tsy hanao mihitsy, hanao “amena” amin’ny karazana fanekem-pinoana nataon’olona. Ny Tenin’Andriamanitra ihany no ho tsindriany amin’ny “amena,” satria izany Io. Tsy hitarika anareo amin’ny lâlan-kafa ny Fanahy Masina. Ankehitriny ny zavatra mahagaga dia, isika rehetra, ireo anaram-pianganantsika lehibe rehetra sy ny sisa, samy milaza-tena isika fa tarihan’ny Fanahy Masina, nefá misy fahasamihafana be toy ny andro sy ny alina eo amintsika rehetra.

³⁸ Fa Paoly rehefa, ity Fariseo kely nandray ny Fanahy Masina ity rehefa nanao batisa azy Ananiasy, ka nankany Arabia izy ary nianatra telo taona, dia niverina, ary tsy naka saina tamin’ny fiangonana mihitsy izy mikasika na inona na inona nandritra ny efatra ambin’ny folo taona, fa rehefa tonga izy ka nihaona tamin’i Petera, ilay lohan’ny fiangonana tao Jerosalema, dia nitovy tanteraka ny Fampianarany. Nahoana? Ilay Fanahy

Masina iray ihany! Raha nanao batisa tamin'ny Anaran'i Jesosy Kristy i Petera, dia nanao toy izany koa Paoly nefà tsy nisy olona niteny taminy. Raha nampianatra ny batisan'ny Fanahy Masina i Petera, sy fanamasinana, sy ny sisa; nanao toy izany koa Paoly, nefà tsy naka saina tamin'ny fiangonana, satria Mpitari-dàlana iray ihany Izany. Koa ahoana àry ny amintsika ankehitriny raha toa ka mandà an'ireto Fahamarinana ireto ny olona? Rehefa nampianatra Petera ny amin'izay nataony mikasika ny fomba hametrahana ny fiangonana ao anaty lamina, dia an'izany Fampianarana izany i Paoly, satria Mpitari-dàlana iray ihany no nananan'izy ireo.

³⁹ Ilay Mpitari-dàlana tsy handeha haka ny sasany ho amin'*ity*, ary ny sasany ho amin'*iry*, ka handefa ny iray any atsinanana fa ilay iray hafa any andrefana. Hitazona anareo hiaraka Izy. Ka raha avelantsika fotsiny ny Fanahy Masina hihazona antsika hiaraka, dia ho iray isika. Raha—raha tsy avelantsika fotsiny ny Devoly hisintona anareo ho amin'ny lâlana diso, dia ho iray fo isika, iray saina, iray hevitra, amin'ny alalan'ny Fanahy iray, ilay Fanahy Masina, ilay Mpitari-dàlana avy amin'Andriamanitra izay hitarika antsika ho amin'ny Marina rehetra. Marina izany. Fa tsy maintsy manaraka ny Mpitari-dàlanareo ianareo. Eny, tompoko.

⁴⁰ Jereo i Nikodemosy, nila Mpitari-dàlana izy, na dia lehilahy mahira-tsaina aza. Mpampianatra izy, teo amin'ny valo-polo taona teo. Isan'ireo Fariseo izy, na—na ny Fitsaran'ny Synedriona, ny Filan-kevitra, Fikambanana Mpanompon'Andriamanitra. Izy no iray amin'ireo lehilahy ambony, mpampianatra tao amin'ny Isiraelly, nanam-pahaizana tamin'io. Eritrereto, mpampianatra manam-pahaizana! Eny, fantany ireo lalàna, kanefa rehefa tonga teo amin'ny fahaterahana indray ilay izy, dia nila Mpitari-dàlana anankiray izy. Noana an'io izy. Fantany fa tokony hisy zavatra samihafa. Ny firesany tamin'i Kristy tamin'io alina io no nanaporofa an'izany. Nanaporofa an'izao koa izany, ny fihetsepon'ny sasany tamin'izy ireo, saingy tsy nisy tamin'izy ireo nanana an'ilay tena—ilay tena fahasahiana izay nananany. Tsy nisy na ny iray tamin'izy ireo aza nahavita tonga teo ka hanao toy ny nataony. Ianareo rehetra, ny olona, manameloka an'i Nikodemosy tamin'ny fahatongavana tamin'ny alina. Nankeo izy. Tonga izy. Fantatro fa misy olona sasany tsy hanomboka akory aza, na andro na alina. Fa nankeo izy, ka nila Mpitari-dàlana, ary hoy izy, "Tompoko, izahay," avy amin'ny Fitsaran'ny Synedriona, "fantatray fa Mpampianatra avy amin'Andriamanitra Ianao." Nahoana no fantany izany? Voamarina Izy. Hitanareo, te-hahalala izy hoe inona no dikan'izany fahaterahana indray izany, dia nankeo amin'Ilay tokony handehanana avy hatrany izy, satria Andriamanitra nanamarina fa Io no Mpitari-dàlany, Jesosy. Jereo izay nolazainy, "Tompoko, fantatray fa

Mpampianatra avy amin'Andriamanitra Ianao, satria tsy misy olona afaka ny hanao an'ireo zavatra Ataonao ireo, raha tsy Andriamanitra no momba azy."

⁴¹ Izany no fanamarinana anankiray teo, fa hoe nisy an'Andriamanitra velona tao Anatiny. Inona no Nambarany, "Tsy Izaho no manao ny asa; fa ny Raiko izay mitoetra ato Amiko. Lazaiko anareo marina tokoa, ny Zanaka tsy manao na inona na inona ho Azy; fa izay Hitany ataon'ny Ray, dia toy izany koa no ataon'ny Zanaka. Ny Ray miasa, ary Izaho miasa mandraka ankehitriny." Amin'ny teny hafa, dia asehon'Andriamanitra Azy izay atao, dia mandeha Izy ka manao an'ilay izy fotsiny. Tsy manao na inona na inona Izy raha tsy efa nilaza Taminy hanao an'ilay izy Andriamanitra. Amena. Izay tokoa no tena zavatra misy amin'io. Raha mba mihetsika fotsiny isika ka miandry mandra-pahatongan'ny Fanahy Masina manetsika antsika hanao an'ilay izy! Izany no izy. Ary avy eo dia mahafoy tena tanteraka ao amin'i Kristy isika ka tsy Ilainy ny handronjina anareo toy ny Ataony amiko, fa amin'ny fihetsika kely voalohany ataon'ny Lohany, dia vonona ianareo ary tsy misy hahasakana anareo, satria fantatrareo fa izany no sitrapon'Andriamanitra.

⁴² Nila Mpitari-dàlana izy. Izy no Mpitari-dàlana voamarina. Nety notarihin'io Mpitari-dàlana io izy satria fantany fa nandray tsindrimandry avy tamin'Andriamanitra io Mpitari-dàlana io. Fantany fa ireo fombafomba izay notompoiny, angamba avy tamin'ireo Fariseo, Sadiseo, sy izay hafa koa, nanompo an'ireo fanekem-pinoana hatry ny ela izy nefá tsy nahita na inona na inona nitranga. Saingy indro tonga teo amin'ny sehatra kosa ny Lehilahy anankiray, milaza fa Izy no Mesia nampanantenain'ny Baiboly. Fa nandeha teny rehetra teny Izy ka nanao an'ireo tena asan'Andriamanitra mihitsy. Hoy Jesosy, "Raha tsy manao ny asan'ny Raiko Aho, dia aza mino Ahy. Fa raha tsy afaka ny hino Ahy ianareo, dia minoa ireo asa izay Ataoko, satria ireny no manambara Ahy."

⁴³ Koa, tsy mahagaga raha hoy Nikodemosy hoe, "Tompoko, fantatray fa Mpampianatra avy amin'Andriamanitra Ianao, satria tsy misy olona mahay manao an'ireo zavatra Ataonao ireo raha tsy Andriamanitra no momba Azy." Hitanareo, nila Mpitari-dàlana izy, na dia nampianatra an'ilay zavatra aza izy. Mpampianatra tao amin'ny fiangonany izy. Nanana ny voninahiny izy, ary izy dia nanana—izy dia nanana toerana ambony, sady lehilahy malaza izy; tsy isalasalana, fa najain'ny olona rehetra nanerana ny firenena. Saingy rehefa tonga teo amin'ny fahaterahana indray ilay izy, dia nila Mpitari-dàlana izy! Toy izany koa isika, hia, mila Mpitari-dàlana isika.

⁴⁴ Kornelio, lehilahy malaza izy, lehilahy mendri-kaja. Nanorina fiangonana maro izy. Nanaja ny Jiosy izy satria

fantany fa marina ny fivavahan'izy ireo. Nanao fiantrana izy, sady nivavaka isan'andro, saingy rehefa tonga ny Fanahy Masina (Nisy zavatra niampy ho an'ny fiangonana), dia nila Mpitari-dàlana izy. Nirahin'Andriamanitra ho azy ny Fanahy Masina. Nirahany Izany tamin'ny alalan'ny tenan'i Petera, "Fa raha mbola nilaza an'ireo Teny ireo Petera, dia nilatsaka taminy ny Fanahy Masina." [Elanelana tsy voarakitra—Mpand.] Andriamanitra no nampiasa an'ilay Mpitari-dàlana tamin'ny alàlan'i Petera. Nampiasainy Izany, satria Izy no nitarika an'i Kornelio teo amin'ny lèlana marina. Ary raha mbola niteny izy, dia nilatsaka tamin'ireo Jentilisa ny Fanahy Masina. Dia hoy izy, "Moa misy mahazo mandrara ny rano, tsy hanaovana batisa an'ireo olona ireo?" Hitanareo, ilay Mpitari-dàlana hatrany no niteny, fa tsy Petera. Satria andiana Jiosy io...na Jentilisa, "tsy madio, maloto" ho azy, ka na izy aza tsy te-hankany. Fa hoy ilay Mpitari-dàlana, "Maniraka anao Aho." Manao zavatra tsy noheverinareo hatao ianareo, rehefa ilay Mpitari-dàlana no manapaka feno, rehefa avelanareo hitari-dàlana anareo Izy. Oh, mahafinaritra tokoa izany tarihan'ny Fanahy Masina izany. Izy no Mpitari-dàlana. Marina izany. Niteny tamin'ny alalan'i Petera Izy ka nilaza taminy ny amin'izay tsy maintsy ataony. Ary rehefa nandray ny Fanahy Masina izy rehetra, hoy izy, "Tsy mahazo mandrara ny rano isika, rehefa nahita fa nandray ny Fanahy Masina tahaka antsika tamin'ny voalohany izy ireto." Ary natao batisa tamin'ny Anaran'i Jesosy Tompo izy ireo. Fa, iza no nitarika azy hanao izany? Ilay Mpitari-dàlana izay tao aminy. Tsy nilaza tamin'izay ireo va Jesosy hoe, "Aza manahy ny amin'izay holazainareo, satria tsy ianareo no hiteny; ny Ray izay mitoetra ao anatinareo izany, Izy no hiteny"? Amena.

⁴⁵ Ilay ionoka, niverina avy any Jerosalema. Fa nanana Mpitari-dàlana Andriamanitra teto an-tany tamin'io fotoana io, ny Fanahy Masina, sady nanana lehilahy iray Izy teo izay feno an'io Mpitari-dàlana io. Tsy mpitori-teny akory izy, fa karazana diakona ihany izy. Ary nankeo izy ka nanasitrana ny marary sy nandroaka devoly, izay niteraka fihetsehana lehibe, fifaliana lehibe tao an-tanàna. Nisy olona an-jatony maro nivory nanodidina azy, ary hoy ilay Mpitari-dàlana, "Efa tena ampy izay, fa ndao isika hiverina aty indray." Tsy niady hevitra tamin'ilay Mpitari-dàlany izy.

⁴⁶ Aza miady hevitra amin'ny Tenin'ny Mpitari-dàlanareo mihitsy ianareo. Araho Izy. Raha tsy manao izany ianareo, dia ho very ianareo. Ary, tsarovy, raha miala Aminy ianareo, dia hitoetra irery ianareo, koa tiantsika ny hijanona hanakaiky hatrany an'ilay Mpitari-dàlana.

⁴⁷ Koa teny an-dàlana, hoy Izy, "Hialao ity andiany ity ankehitriny, ry Filipo, ary mankanesa any amin'ny tany hay any amin'izay tsy misy olona. Fa maniraka anao any Aho, fa hisy olona iray any rehefa mitondra anao any Aho." Indro

fa tonga ilay ionoka anankiray, lehilahy ambony tao amin'ny mpanjakavavy tany Etiopia izy io. Koa dia tonga teo izy, teo am-pamakina ny Bokin'i Isaia. Ary hoy ilay Mpitari-dàlana, "Ndeha manatona ny kalesy."

Ary hoy izy, "Moa fantatrao ve izay vakinao?"

⁴⁸ Hoy izy, "Hataoko ahoana no fahay raha tsy misy olona mitari-dàlana ahy?" Oh, oadray! Fa nanana an'ilay Mpitari-dàlana i Filipo. Amena. Ary niainga tamin'io Soratra Masina io ihany izy, ka nitory an'i Kristy taminy. Amena. Mpitari-dàlana! Tsy fanekem-pinoana no nambarany azy, fa ny amin'ilay Mpitari-dàlana no nolazainy taminy, Kristy! Ary nataony batissa tao amin'ny rano anankiray teo izy. Eny, izany tokoa. Oh, tiako be izany!

⁴⁹ Rehefa niala an'ny Egypta ny Isiraely ho any amin'ilay tany nampanantenaina, ao amin'ny Eksodosy 13:21, fantatr'Andriamanitra fa tsy mbola nandeha tamin'io lâlana io mihitsy izy ireo. Efa-polo maily monja izany, kanefa nila zavatra handeha hiaraka aminy izy ireo. Tsy hitan'izy ireo ny lâlany. Koa Izy, Andriamanitra, no nandefa Mpitari-dàlana ho azy ireo. Eksodosy 13:21, zavatra toy izany, "Maniraka ny Anjeliko eo anoloanareo Aho, ilay Andry Afo, mba hiaro anareeo eny an-dàlana," mba hitari-dàlana azy ireo ho any amin'io tany nampanantenaina io. Ary nanaraka an'io Mpitari-dàlana io ny zanak'Isiraely, dia ilay Andry Afo (ny alina), Rahona amin'ny andro. Rehefa nijanona Izany, dia nijanona izy ireo. Rehefa nifindra Izany, dia nifindra izy ireo. Fa rehefa Nentiny nanakaiky ny tany izy ireo, ka tsy mendrika ny nidiitra tao, dia Notarihiny hiverina ho any an-efitra indray izy ireo. Tsy Tiany ny handeha hiaraka tamin'izy ireo.

⁵⁰ Izany izy io, amin'ny fiangonana ankehitriny. Tsy isalasalana fa ny faharetan'Andriamanitra no ankehitriny, tahaka ny tamin'ny andron'i Noa, tokony efa lasa ny fiangonana raha toa tena nanitsy azy izany ka nametraka tao anaty lamina. Saingy tsy maintsy mitarika antsika mihodina sy mihodina Izy.

⁵¹ Lavitra an'ny Isiraely ny fisainana, raha nihoby izy ireo, teo am-pahitana an'ireo miaramilan'ny Egypta maty, ireo soavalys safotra, ireo kalesin'i Farao nivadika, azony ny fandreseny, Mosesy tao amin'ny Fanahy, nihira tao amin'ny Fanahy, Miriama nandihy tao amin'ny Fanahy, ary nihazakazaka nivezivezy teo amoron-drano ireo zanakavavin'ny Isiraely, nihoby sy nandihy, andro vitsy sisoa nampisaraka azy tamin'ny ronono sy tantely. Lavitra azy ireo ny fisainana hoe mbola hisy efa-polo taona, satria nanomboka nimonomonona nanohitra an'Andriamanitra sy ilay Mpitari-dàlana izy ireo.

⁵² Ary toy izany koa no misy antsika. Ho any Shreveport aho avy eto. Ary ny Fanahy Masina nilatsaka tamin'ny

Andro Fankasitrahana, dimam-polo taona lasa izay, tao—tao Louisiana, tamin'ny Andro Fankasitrahana. Toy inona no nahalavo ny fiangonana hatramin'io fotoana io! Mba hainareo moa fa ny fiangonana Katolika Romana tamin'ny fiandohany dia ny fiangonana pentekotista? Izany no marina. Marina izany. Fiangonana pentekotista izy, saingy nanomboka niditra tao ireo manan-kaja ara-pomba ka nanova ny—ny Soratra Masin'Andriamanitra ho amin'ireo fombafombany, nanampy dogma tao amin'lo, sy ny sisa. Dia jereo ny zavatra ananan'izy ireo ankehitriny, tsy ahitana Soratra Masina na dia iray aza ao anatiny. Nosoloiny ho zavatra hafa ilay zavatra, tapa-mofo ho an'ilay Fanahy Masina. Nosoloiny famafazana ny fanitrihana. Nosoloiny "Ray, Zanaka, ary Fanahy Masina" ny "ny Jesosy Kristy Tompo." Nosoloiny ireo soratr'Andriamanitra lehibe izay navela ho antsika, dia lavitra izy ireo, tena lavitra, lavitry ny Fampianarana ara-tSoratra Masina.

⁵³ Nilatsaka tao Louisiana ny Pentekosta, dimam-polo taona lasa izay, ka raha mbola mijanona roan-jato taona io, dia hihalavitra kokoa noho izay misy ny fiangonana Katolika, raha mitohy ihany ny fahalavoany toy ny tamin' ireo dimam-polo taona lasa ireo, satria manampy amin'izany hatrany izy ireo, tsy an-kijanona. Tsy eo intsony ireo mpitori-teny fahiny. Ny favoriana eny an-dàlambe, tsy mandre ny iray amin'izany intsony ianareo. Ny hany zavatra ananantsika sisa dia andiana Hollywood anankiray nanampiana an'io, vehivavy bori-volo manao sorta, mandoko tarehy, sy ny maro hafa koa, milaza ny tenany ho Kristiana. Karazana Ricky kely amin'ny gitara, mihazakazaka etsy sy eroa, sy ireo vehivavy miaraka amin'ny akanjo tena tery toy ny...tahaka ny saosisy voavofy miaraka amin' ny—ny hodiny ety ivelany, saika izay, mihanjakanjaka eny ambony lampihazo, mihazakazaka eny ambony lampihazo, mandihy miaraka amin'ny kavina mihantona amin'ny sofina, sy irony fanapaham-bolo vaovao an'ny vadin'ny filoha irony, nefahiantso an'izany ho Kristianisma.

⁵⁴ Ny zavatra ilaintsika dia ny fanao fahiny, avy amin'Andriamanitra, fivavahana mandoro izay handoro ny momba an'izao tontolo izao hiala amin'ny fiangonana. Ilaintsika ny hiverina amin'ny Fanahy Masina sy ny afo, hiverina amin'ilay zavatra izay mandoro ny fahalotoana hiala, hamerina indray ny fomba fitoriana fahiny, manao ny Lanitra ho avo, ary ny helo ho mafana, vava-basy mahitsy. Ilaintsika ny karazana toriteny toy izany. Nefa raha ataonareo izany ankehitriny, dia handatsabato handroaka anareo ny fiangonanareo.

⁵⁵ Matetika misy mpitoriteny tsara voatariky ny fiangonany ho amin'ny ratsy. Izay no antony tsy ananako anaram-piangonana. Foibe iray ihany no ananako, avy any An-danitra izany. Na aiza Anirahany, dia ho any aho. Na inona Lazainy, dia holazaiko. Tsy mila anaram-piangonana isika. Ity fiangonana ity vao

miresaka ny amin'ny anaram-piangonana, dia ho very pastoraavy hatrany ianareo. Tsy hiharoharo amin'izany aho, na dia dimy minitra aza. Izay fiangonana rehetra lasa anaram-piangonana dia nikorosifahana, ary lazao ahy izay tsy toy izany, ary lazao ahy izay mba anankiray niharina tamin'izy ireo. Ny Fanahy Masina no nirahina hitarika ny fiangonana, fa tsy andian'olona akory. Ny Fanahy Masina no feno fahendrena. Ny olona lasa arapomba, mafy fo.

⁵⁶ Nilaza tamin'izy ireo Andriamanitra fa Izy no handefa Mpitari-dàlana ho azy, Izy no hitarika azy ireo eny an-dàlana. Ary raha mbola nanaraka an'io Andry Afo io izy ireo, dia nety tsara izy rehetra. Nitarika azy hatreо amin'ny vavahadin'ny tany nampanantenaina Izy, ary hatreо ihany no Azony naleha. Avy eo Josoa, ilay mpiady mahery, tsaroanareo ve ny andro nilazany tamin'ireo hoe, "Manamasina ny tenanareo, fa afaka hateloana dia hosokafan'Andriamanitra ity Jordana eto ity ka hiampita isika"? Jereo izay voalazany ankehitriny (tiako ity) ao amin'ny Soratra Masina, hoy izy, "Mijanona manakaiky aorian'ny Fiara, satria tsy mbola nalehanareo izao lâlana izao taloha"

⁵⁷ Inona ilay Fiara? Ny Teny. Aza mizotra amin'ny lâlan'ny anaram-piangonanareo ianareo ankehitriny, mijanona aorian'ny Teny, satria tsy mbola nalehanareo izao lâlana izao taloha. Ary, rahalahy, raha misy fotoana tokony handinihan'ny fiangonana Kristiana tena, dia izao ankehitriny izao izany. Eo amin'ny hisian'io favoriam-be ao Roma io mihitsy isika izao amin'izao fotoana izao, efa atao ny fanavahana, ny konfederasion'ireo fiangonana, rehefa miaraka ho kofederasiona ireo anaram-piangonana rehetra ireo mba hanao an'ilay sarin'ny bibi-dia, tena arak'izay lazain'ny Baiboly mihitsy. Ary fantatrareo ny nolazantsika androany maraina tao amin'ny Hafatra. Ary eo isika izao, efa eo am-baravarana mihitsy ny zava-drehetra, nefy mbola manaraka ny fanekem-pinoana foana ny olona. Tsaratsara kokoa ho anareo ny mijanona aorian'ny Teny! Ny Teny no hitarika anareo hiampita, satria ny Teny dia Kristy, ary Kristy dia Andriamanitra, ary Andriamanitra dia ny Fanahy Masina.

⁵⁸ Mijanona aorian'ny Teny! Oh, eny, tompoko! Mijanona miaraka amin'io Mpitari-dàlana io. Mijanona tsara ao aorian'Izany. Aza mialoha Azy, mijanona ianareo ao aorian'Jo. Avelao Izany no hitarika anareo, aza ianareo no mitarika Azy. Avelao Izy no handeha.

⁵⁹ Hoy Josoa, "Ankehitriny, tsy mbola nalehanareo izao lâlana izao taloha, tsy misy fantatrareo ny momba ny lâlana."

⁶⁰ Izay no olana ankehitriny. Tsy mila mpitari-dàlana hitari-dàlana anareo eo amin'ny lâlana malalaka ianareo. Oh, fantatrareo daholo ireo lâlan-tsifotra sy ny maro hafa. Fantatrareo avokoa ny lâlan'ny fahotana. Tsy misy...Oh,

efa ela no naha-teo anareo. Tsy ilaina olona hanandrana ny hilaza aminareo ny amin'izany, fantatrareo avokoa ireo làlana manivaka. Marina izany, ny ota rehetra, fantatrareo daholo ny amin'izany. Tsy misy olona hilaza aminareo hoe ahoana izany mangalatra; hainareo izany. Tsy misy olona hilaza aminareo hoe ahoana izany miteny ratsy; hainareo izany. Tsy ilaina olona hilaza aminareo hoe ahoana ny fanaovana an'ireny zava-dratsy ireny, satria efa miharihary eny amin'ny hazo rehetra izany.

⁶¹ Saingy, tsarovy, ianareo olona izay Kristiana ireo, efa niampita ianareo. Ao amin'ny Tany hafa anankiray ianareo. Nateraka indray ianareo. Ao amin'ny Tany ianareo, Tanin'ny Lanitra anankiray. Ao amin'ny Tany nampanantenaina ianareo.

⁶² Afaka mijery ianareo, fantatrareo ny làlanareo eto. Oh, oadray, eny. Fantatrareo hoe inona—inona, ahoana no filalaovana karazana karatra. Fantatrareo hoe inona izany kodiakely, rehefa mihodina izany, inona no dikan'izany, sy ny maro hafa toy izany. Fa raha tonga eo amin'ny fahafantarana ny fahamasinana sy ny fahamarinana ary ny herin'Andriamanitra kosa, sy ny hoe ahoana no fiasan'ny Fanahy Masina sy izay Ataony, dia tsaratsara kokoa ho anareo ny mijanona aorian'ny Teny, ilay Mpitari-dàlana. Hitanareo? Tsy mbola nalehanareo io làlana io taloha.

⁶³ Eny, hoy ianareo, “Lehilahy nanan-tsaina ihany aho, izaho dia—izaho dia nahazo diplôma roa tany am-pianarana.” Tsaratsara kokoa ho anareo ny manadino an'izany. Eny, tompoko.

⁶⁴ “Nandalo seminera aho.” Tsaratsara kokoa ho anareo ny manadino an'izany. Hia. Tsaratsara kokoa ho anareo ny mijanona aorian'ilay Mpitari-dàlana. Avelao Izy hitarika anareo. Fantany ny làlana; ianareo tsia. Tsy mbola nalehanareo io làlana io taloha. “Fa,” hoy ianareo, “nandeha izy ireo.”

⁶⁵ Jereo raha nandeha izy ireo. Hoy Jesosy, “Ireo izay nandeha tamin’io làlana io, dia ireto famantarana ireto no hanaraka azy. Amin’ny Anarako, dia handroaka demonia izy ireo, hiteny amin’ny fiteny vaovao; na handray menarana sy misotro zava-mahafaty, tsy hampaninona izany. Raha hametra-tànana amin’ny marary izy ireo, dia ho sitrana ireny.” Maro amin’izy ireo no tsy manaiky an’Izany, mandà Izany, milaza fa tsy avy amin’ny tsindrimandry akory aza Izany. Tsy manaraka an’ilay Mpitari-dàlana izy ireo. Fanekem-pinoana nataon’olona no arahany. Tsaratsara kokoa ho anareo ny mijanona aorian’ny Teny, satria tsy mbola nalehanareo io làlana io, fantatrareo.

⁶⁶ Saingy nateraka indray ianareo, sady nateraka ho ao amin'ny fahamasinana. Tsy mbola nalehanareo io làlana io taloha. Ianareo nan... Raha nandeha tamin’io làlana io ianareo, dia tsy maintsy mandalo eo amin'ny fahamasinana, satria Tany vaovao io, Fiainana vaovao, vahoaka vaovao.

⁶⁷ Ho tonga ao am-piangonana ianareo ka handre olona mitsangana, mihiaka, “Voninahitra ho an’Andriamanitra! Haleloia!”

⁶⁸ Eny, hilaza ianareo hoe, “Oadray, edrey, tsy nanao an’izao mihitsy izy ireo tao amin’ny fiangonako! Hitsangana aho dia hivoaka!” Hitanareo? Tandremo tsara.

⁶⁹ Mijanona aorian’ny Teny, eto, avelao ilay Mpitari-dàlana hitarika anareo. “Izy no hitarika anareo amin’ny Marina rehetra, ka haneho an’ireo zavatra izay Nolazaiko taminareo ireo. Izy no haneho an’izany aminareo. Holazainy aminareo ireo zavatra ho avy,” ilay tena Mpitari-dàlana. Aza mankany amin’ny eveka; mankanesa eo amin’ilay Mpitari-dàlana. Aza mankeo amin’ny olon-kafa afa-tsy ilay Mpitari-dàlana. Izy Irery no nirahina hitari-dàlana anareo. Izy Irery no hanao izany. Andriamanitra efa nanomana Mpitari-dàlana anankiray ho anareo. Raiso ny lâlana efa nomanin’Andriamanitra.

⁷⁰ Ny olana amin’io ankehitriny, dia tonga ao am-piangonana ny olona mba hipetraka minitra vitsy fotsiny, dia misy zavatra miseho izay tsy mbola nahazatra azy.

⁷¹ Nankasitrahiko ity vehivavy kely iray avy amin’ny fiangonana mangatsiaka ara-pomba, vao avy nivavaka ho azy aho. Hanasitranana an’io vehivavy kely io Andriamanitra. Tsy azony ity. Tsy nisy fantany ny amin’izany. Niditra izy, nolazainy fa tsy nahalala izy. Nefa hoy aho taminy, “Avia dia jereo aho.” Izy dia karazany saron-kenatra sady saron-tahotra, saingy hoy hatrany ilay Mpitari-dàlana taminy, “Mandrosoa.” Azony ilay izy. Izany ilay izy. Hitanareo, izany dia noho ilay Fanahy Masina izay mitari-dàlana antsika ho amin’ireo zavatra ireo. Hitanareo, manana fomba efa voaomana Andriamanitra.

⁷² Ianareo ve mba efa...Efa tsikaritrareo ve ny gisa-dia eny ambony eny, ireo ganagana izay mianatsimo? Fa, tsarovy eto, io ganagana antitra kely io dia teraka tany amin’ny farihy ambony tany ho any. Tsy fantany izay atsinanana, avaratra, andrefana, sy atsimo. Tsy misy zavatra fantany afa-tsy io farihy mipetraka any ambony tendrombohitra any Canada io. Tsy mbola niala an’io farihy io mihitsy izy, saingy nateraka ho mpitarika kosa izy. Nateraka ho mpitarika io ganalahy kely io. Ary ny zavatra voalohany, indray alina dia nisy ranomandry vaventy tonga nanivatsiva teny an-tampon-tendrombohitra. Inona no nitranga? Nidina nankeo io rivotra mangatsiaka avy teny io. Azoko eritreretina hoe nangovitra izy, nanao hoe, “Mama, inona no dikan’izao?” Hitanareo, tsy mbola nahatsapa an’io toetr’andro mangatsiaka io mihitsy izy taloha. Nanomboka njery tsara ny manodidina izy, nanomboka njery tsara ny sisin’ny farihy izy, nanomboka nivaingana ilay izy, tonga teo amin’ilay farihy ny ranomandry. Tsy nahalala izy, saingy tampoka teo... Nateraka ho mpitarika-dàlana ho an’io

andiana ganagana io izy. Nitsobokaavy hatrany teo afovoan'io farihy io izy rehefa nanaitra azy ilay izy. Azonareo antsoina amin'izay itiavanareo azy izany. Tsindrimandry no iantsoanay azy, na azonareo antsoina izany hoe, oh, fahalalana voajanahary, na inona na inona izany. Hikopakopakaavy hatrany eo afovoan'io farihy io izy, hanandranda izato vavany kely eny amin'ny habakabaka, ary handeha, "Honk-honk, honk-honk!" Ary hanatona azy avy hatrany ny ganagana rehetra eo amin'ilay farihy. Nahoana? Fantatr'izy ireo ny mpitarika azy, ny fomba fanenony fotsiny.

⁷³ "Raha manao feo hafahafa ny trompetra, iza no hiomana ho an'ny ady?" Marina. Iza no hiomana ho an'ny ady raha manao feo hafahafa ny trompetra?

⁷⁴ Eny, raha manao faneno hafahafa io ganagana kely io, iza no hiomana ho an'ny fanidinana? Hanandranda ny vavany kely io ganagana antitra kely io, ka hihiaka hoe, "Honk-honk, honk-honk!" Ary ny ganagana kely rehetra hanatona azy. "Honk-honk, honk-honk!" Ireo izy ireo. Toy ny banana karazana jobily izy ireo, eo afovoan'io farihy io mihitsy, mihodikodina etsy sy etsy sy etsy fotsiny. Afaka kelikely dia tsapany fa mihetsika ao anatinily ilay izy, tsy maintsy miala izy. Hamboariny tsara ireo elany kely ary manidina miala amin'io farihy io izy, miakatra eny amin'ny habakabaka ary miodina in-efatra na in-dimy eo, ary manitsy avy hatrany any Louisiana arak'izay azony atao, ny ganagana rehetra aoriany tsara daholo. "Honk-honk, honk-honk," indro tonga izy. Nahoana? Mpitari-dàlana iray izy! Amena! Ny ganagana mahalala ny mpitari-dàlana azy, fa ny fiangonana tsia. Hia, fantany ny tokony atao.

⁷⁵ Jereo ireny gisa antitra ireny, avy any Alaska any. Fa, misy gisa-lahy antitra anankiray foana mitarika azy ireny, ary ireny gisa ireny dia tsy maintsy mijery tsara an'io gisa-lahy io. Tsy maintsy mahalala an'izay lazain'io gisa-lahy io izy ireo. Efa novakinareo ve ilay tao amin'ny *Look* magazina teo amin'ny efa-taona lasa izay, nisy gisa-lahy antitra anankiray indray mandeha tsy nahalala izay nataony, ary nitarika andiana gisa ho any Angletera izy io? Marina izany. Tsy mbola fantatra tany Angletera mihitsy izy ireo taloha. Nahoana? Satria tsy njery tsara ny-ny mpitarika azy izy ireo. Io gisa-lahy antitra io dia tsy nahalala hoe aiza no alehany. Ary any izy ireo ankehitriny ary tsy afaka miverina.

⁷⁶ Izay no olana amin'ny maro amin'ireo gisa ireo ankehitriny, mbola mivangongo foana izy ireo. Hoy izy ireo, nilaza io *Look* magazina io fa, nivangongo ireo gisa ireo ka manidina manerana ny Angletera, saingy tsy hain'izy ireo hoe ahoana no hiverenana. Izay koa no mahazo ny sasany amin'ireo *gisa* izay fantatro. Manana fivangongoana anankiray ianareo, sy favoriambe andro maro, ary manana mampifoha tonga ka mitoriteny vetivety, nefá

tsy fantatrareo hoe aiza no alehanareo. Mivangongo manodidina etsy sy etsy, satria manana gisa-lahy anankiray ianareo mitarika anareo miala ao amin'ny lanonan'ny anaram-piagonana; ary tsy ny miverina amin'ny Tenin'Andriamanitra, miverina amin'ny batisan'ny Fanahy Masina. Avy eo manontany tena isika hoe nahoana isika no tsy mahazo fifohazana amin'ny andrortsika. Hitanareo? Tokony hanana an'io Feo manokana io ianareo! Io Feo io dia ilay trompetran'ny Filazantsara izay mitsoka ny Filazantsara, ny Tenin'Andriamanitra rehetra. Tsy fanekem-pinoana, tsy anaram-piagonana; fa ny Baiboly, ny Fanahy Masina. “Ireto famantarana ireto no hanaraka izay mino.” Hitanareo? Ary indro fa midina eny an-dàlana izy ireo.

⁷⁷ Nisy gisa-lahy antitra indray mandeha, hoy izy ireo, namono andiany anankiray, raha niezaka nanidina niaraka tamin'izy ireo tao anaty azina, tsy fantany izay halehany, izy tenany, ka nifandona tamin'ny tendrombohitra izy rehetra tany, ary potipotika ny sasany tamin'izy ireo, tapatapaka. Eny! Tokony nahalala ny feo manokana ho azy izy ireo. Io ganagana antitra kely io, raha nahazo an'ilay feo manokana izy ka ny rehetra nahalala an'io, dia nanana jobily fivangongoana kely izy ireo ary lasa nandeha tany atsimo tany izy ireo. Inona no handehanan'izy ireo midina any? Satria tsy mangatsiaka any.

⁷⁸ Ankehitriny, raha manome fahalalana ampy ho an'ny ganagana anankiray Andriamanitra mba hahaizany mandositra ny hatsiaka, ahoana no tokony Hanomezany ny fiagonana? Raha mahavita an'izany ny ganagana anankiray amin'ny alalan'ny fahalalana voa-janahary, ahoana ny amin'ny Fanahy Masina ao amin'ny fiagonana? Tokony hitarika antsika avy ao amin'ny fombafomba tranaindy sy ny fanekem-pinoana sy ny sisa izany, ho any amin'ilay be voninahitra, mahafinaritra dia ny batisan'ny Fanahy Masina. Mitondra fahatanjahan-tsaina izany, fahalalana, faharetana, teo-panahy araka an'Andriamanitra, ary ny Fanahy Masina. Izany no hitarihan'ilay tena Mpitari-dàlana, satria tsy hitsoaka afa-tsy ny Filazantsara Izy, ny Tenin'Andriamanitra ihany. Eny, mila Mpitari-dàlana ianareo!

⁷⁹ Rehefa, ireo magy, tsy nahalala na inona na inona momba an'Andriamanitra izy ireo. Izy ireo dia—izy ireo dia mpanao-fankatoavana, ombiasy. Tany atsinanana tany izy ireo. Fantatrareo, hoy ny Baiboly, “Nahita ny Kintany teny Atsinanana izahay, ka tonga mba hiankohoka Aminy.” Avy tany andrefana izy ireo, njery niatsinanana dia nahita ny Kintany...na njery niakandrefana, tany Atsinanana izy ireo. Tany Atsinanana izahay, ka nahita ny Kintany teo andrefana. Hitanareo? “Nahita ny Kintany tany Atsinanana izahay.” Ary, hitanareo, fa tany Atsinanana izy ireo. “Raha tany Atsinanana izahay dia nahita ny Kintana, ka tonga mba hiankohoka Aminy.”

⁸⁰ Azoko eritreretina fa niomana ny handeha ireto sakaiza ireto. Azoko eritreretina fa ny anankiray tamin'ny vadin'izy ireo dia niteny taminy, nanao hoe, "Hono ho'aho, voafehy avokoa ny entana rehetra, fa aiza ny famantaranavaratrao?"

Hoy izy, "Tsy—tsy hampiasa famantaranavaratra aho amin'ity fotoana ity."

⁸¹ Hoy izy hoe, "Ahoana no hiampitanao an'ireo tendrombohitra?" Tsarovy, fa tsy maintsy hiampita ny Renirano Tigra izy ireo sy hidina mamakivaky lemaka, ary, eny, handeha lâlana roa taona eny ambony rameva izy ireo. Ahoana no fomba hanaovany an'izany? Hoy izy hoe, "Eny, tsy hitondra na dia famataranavaratra aza ianao."

Hoy izy hoe, "Tsia."

"Ahoana no handehananao?"

⁸² "Handeha amin'ny fomba nomanin'Andriamanitra aho. Iry Kintana lavitra iry no hitarika ahy ho amin'io Mpanjaka io." Izany ilay izy.

⁸³ "Nahita ny Kintany tany Atsinanana izahay, ka nanaraka an'Io hatraty andrefana, mba hiankohoka Aminy. Aiza Izzy io?" Nanaraka ny lâlana efa nomanin'Andriamanitra izy ireo. Taraiky nandrity ny fotoana vitsivitsy izy ireo noho ny andiana fanekem-pinoana anankiray. Niditra tao Jerosalema izy ireo ary nanomboka niaka-nidina ny arabe, ireto olona nitafy nahafinaritra, nanao hoe, "Aiza Izzy? Aiza Izzy izay teraka ho Mpanjakan'ny Jiosy?" Eny, io no renivohitra, Jerosalema izany. Azo antoka fa io ilay fiangonana lehibe tokony hahafantatra zavatra mikasika an'Io. "Aiza Izzy? Aiza Izzy ilay teraka ho Mpanjakan'ny Jiosy? Nahita ny Kintany tany Atsinanana izahay, tonga izahay mba hiankohoka Aminy. Aiza Izzy?"

⁸⁴ Fa, nandeha tany amin'ny pastora *Ranona-sy-ranona* sy ny mpisoronabe *Ranona-sy-ranona*, tsy nisy tamin'izy ireo nahalala na inona na inona ny amin'Io. "Fa, misy Anankiray teraka ho Mpanjakan'ny Jiosy, aiza Izzy?" Tsy nahalala izy ireo.

⁸⁵ Saingy nisy andiana mpiandry ondry teo amin'ny ilan'ny havoana izay niandry ny fotoana fotsiny, eny, tompoko, satria tonga araka ny lâlana efa nomanin'Andriamanitra izy ireo.

⁸⁶ Koa nijanona nanodidina teo izy ireo, ary avy hatrany dia hoy izy hoe, "Holazaiko anareo ny tokony ataontsika, tokony hanao favorian'ny filan-kevitra isika." Koa niantso ny Vondron'ny Synedriona izy ireo, ary—ary nifandinika raha nisy nandre zavatra mikasika an'Io. "Tsia, tsy mahalalala na inona na inona ny amin'Izany izahay."

⁸⁷ Toy izany koa ankehitriny. Tsy mahalalala na inona na inona mikasika an'io Mpitari-dàlana io izy ireo, io Fanahy Masina izay manasitrana io, mamenno, mamonjy, tonga indray. Ilay Mpitari-dàlana izay nilaza tamintsika an'ireo zavatra rehetra nitranga

ireo, tena eo anivon'izany tokoa isika izao. Mpamantatra ny fisainan'ny fo; tsy mahalala na inona na inona mikasika an'Izany izy, antsoiny hoe fisainana mifanandrify Izany na hafa koa. Tsy hain'izy ireo hoe inona no ho lazaina mikasika an'Io.

⁸⁸ Koa, hitanareo, ireo magy ireo, raha mbola... Tsarovy, rehefa niditra tao Jerosalema izy ireo, dia tsy hita intsony ilay Kintana. Ary raha mbola ireo fanekem-pinoana sy ny anaram-pianganan'olombelona no tadiavinareo hitarika anareo eo amin'Andriamanitra, dia hiala aminareo ny fanampian'Andriamanitra. Fa rehefa nankarary sy na ha-tofoka azy ireo izany, ka nialany ireo, nialany ny fanekem-pinoana sy ny anaram-pianganan'ireo Jiosy ireo, ary nivoaka ny Jerosalema izy ireo, dia niseho indray ilay Kintana ka faly tamin'ny fifaliana lehibe tokoa izy ireo. Hitan'izy ireo indray ilay Mpitari-dàlana! Oh, toy inona izany, ny hoe ao amin'ny fianganana ara-pomba mangatsiaka, ka miverina ao amin'ny anankiray mirehitra tsara indray, mahita an'ilay Mpitari-dàlana mitarika, fahasamihafana manao ahoana moa izany! Hia, "Nahita ny Kintany tany Atsinanana izahay ka tonga mba hiankohoka eo Aminy."

⁸⁹ Hoy Josoa tamin'izy ireo, "Manaraha ny Fiara ianareo izao, satria tsy mbola nalehanareo izao lèlana izao taloha." Tsy hamela an'io Fiara io handeha n'aiza n'aiza afa-tsy ny mahitsy Andriamanitra. Izy rehetra dia nanaraka an'Izany, ary namaky avy hatrany ny Jordana Izany.

⁹⁰ Toy izany ankehitriny, amin'ny alalan'ny Fanahy Masina. Eny, tompoko. Ny hany tokana ahafantarantsika, na Fanahy Masina izany na tsia, dia isika mahita ireo fise... fisehoan'Izany, ireo fisehoana izay manamarina ny Tenin'Andriamanitra.

⁹¹ Ankehitriny, vao tsy ela, nanana rà sy diloiloo ny andiana rahalahy anankiray, ary tsy maninona raha izay no fomba tian'izy ireo atao. Izaho... Tsy fanamarinana izany ho ahy. Fanamarinana avy amin'ny Soratra Masina ilay izy, hitanareo, raha mbola manamarina foana an'izay voalazan'Andriamanitra ilay izy, dia tsy maninona. Hoy izy ireo, "Izao no antony ananareo ny Fanahy Masina, nisy diloiloo eny amin'ny tènanareo." Ankehitriny, izaho—izaho tsy afaka hanaiky an'izany. Hitanareo? Tsia, tsy mino aho fa hoe izany diloiloo izany dia misy ifandraisany amin'io. Ary raha io no rà hanasitrana sy famonjena, dia inona no manjo ny Ràn'i Jesosy Kristy? Raha manasitrana izany diloiloo izany, ahoana ny amin'ireo dian-kapoka Taminy? Hitanareo? Hitanareo?

⁹² Tiako raha ilay Mpitari-dàlana no tonga, izay mitondra anareo ao amin'ny Fahamarinan'ny Teny, ka ho fantatrareo fa miainga amin'ny aotra ianareo ary vonona ho amin'ny fanisa-miverina. Marina izany, vonona ny hanidina. Eny, tompoko. Hia,

satria nahoana? Ny Mpitari-dàlana no Ilay Tokana mahatonga an'ilay izy ho tsapa.

⁹³ Manana Soratra Masina aho eto, efa nomeko ireto Soratra Masina ireto, saingy tiako ny hamaky an'ity anankiray ity. Dia ny Petera Faharoa, ny toko 1, andininy faha 21.

Fa...tsy nisy faminaniana avy tamin'ny sitrapon'ny olona tany aloha rehetra: fa avy tamin'Andriamanitra no nitenen'an'ny olona masina araka izay nitondran'ny Fanahy Masina azy.

⁹⁴ Ahoana no nahatongavan'ny faminaniana? Tsy avy tamin'ny sitrapon'ny olona, fanekek-pinoan'ny anaram-piangonana; fa tamin'ny sitrapon'Andriamanitra, rehefa notarihin'ny Fanahy Masina ireo olona masina. Mpitari-dàlana avy amin'Andriamanitra foana Izy. Fa ny Fanahy Masina no tao amin'io Andry Afo io, ny Fanahy Masina izany, ny olona rehetra dia mahalala fa Kristy izany. Niala ny Egypta Mosesy, nanao ny fanaratsiana an'i Kristy ho harena be lavitra noho ny an'i Egypta. Fa Kristy Io. Eny, rehefa njoro teo izy ireo ka nanao hoe, “Eny, Ianao milaza fa Ianao dia... Eny, Ianao tsy mbola ampy dimam-polo taona akory, nefä Ianao milaza fa nahita an'i Abrahama?”

⁹⁵ Hoy Izy, “Fony tsy mbola àry Abrahama, dia efa IZY AHO.” IZY AHO dia Ilay nifanena tamin'i Mosesy tao amin'ny Andry Afo tao amin'ny roimemy afo. Eny, tompoko. Andriamanitra tonga nofo Izy. Tsy hoe olona fahatelo; fa ilay Olona iray ihany ao amin'ny andraikitra samihafa. Tsy hoe andriamanitra telo; fa andraikitra telo an'Andriamanitra tokana. Izany tokoa.

⁹⁶ Eny àry, ankehitriny, ny Soratra Masina. Hatramin'izay, rehefa manomana Andriamanitra, dia manomana ny tsara indrindra Izy. Rehefa nanomana fomba hiarovana ny Fianganany Andriamanitra, dia nanomana ny tsara indrindra Izy. Rehefa nanome an'i Adama sy Eva Izy, tao amin'ny saha Edena, ny Nomeny azy ireo dia ny Teniny. “Mijanona ao ambadik'ity Teny ity ianareo, dia ho voaaro ianareo. Fa raha miala amin'Izany ianareo, amin'ny andro hihinanaranareo dia ho faty ianareo amin'izany andro izany.” Tsy mbola nanova ny Stratejany Andriamanitra. Ary Satana koa tsy mbola nanova ny azy; izay fomba nidirany tao amin'i Adama sy Eva, no idirany amin'izy ireo ankehitriny. Ahoana? Amin'ny fiezahana handinika ny amin'io. “Ankehitriny, azo eritreretina fa tsy hanao an'izany Andriamanitra. Oh, nilaza Andriamanitra,” hoy Satana, “nefa azo antoka fa tsy hanao an'izao ilay Andriamanitra masina.” Azo antoka fa hanao Izy, satria Izy efa nilaza fa hanao Izy!

⁹⁷ Ary izay koa no lazain'ny olona ankehitriny, “Oh, andraso kely! Tsy mino ve ianao izao, fa raha mankany am-piangonana aho sady mandoa ny fahafolon-karena, sy manao an'ity, an'izao,

Andriamanitra ve dia hanary ahy eo?" Raha tsy hateraka indray ny olona, dia tsy hahazo mihitsy ny Fanjakan'Andriamanitra izy! Hitanareo? Tsy misy fialan-tsiny! "Eny, lahy antitra mampalahelo io, vavy antitra mampalahelo, fanahy trana iny mahafinaritra." Ny fomba tokana ahafahan'izy ireo mahita an'Andriamanitra, dia ny hateraka indray. Izay ihany. Tsy ahoako izay maha-kely, maha-antitra, maha-tanora, izay nataony, impiry izy no mankany am-piagonana, anaram-piagonana firy no fantany, fane kem-pinoana firy no hainy tsianjery. Tsy maintsy hateraka indray ianareo raha tsy izany dia tsy teo amin'ilay fototra akory aza ianareo, hatramin'ny voalohany. Tena marina tokoa izany.

⁹⁸ Koa, hitanareo, mila Mpitari-dàlana ianareo. Izy no hitarika anareo amin'ny Fahamarinana, ary ny Fahamarinana dia ny Teny. Izy no hitarika anareo. Ary izay foana izy io hatramin'izay. Tsy nisy na inona na inona mihitsy tsy maintsy novain'Andriamanitra, satria tsy manam-petra Izy ary Izy no mahafantatra izay tsara indrindra. Manerana Izy, mahay indrindra Izy, Izy no—Izy no zava-drehetra. Marina izany, izay Andriamanitra, koa tsy mila miova Izy. Marina izany.

⁹⁹ Izy no Mpanamarina ny lâlana izay Itarihany anareo. Ny Fanahy Masina, ilay Mpitari-dàlana, no Mpanamarina an'io Teny izay Ampianariny io ihany. Ankehitriny, notarihin'ilay Mpitari-dàlana Lioka, mba hilaza hoe, "Mandehana any amin'izao tontolo izao, mitoria Filazantsara amin'ny miaina rehetra. Izay mino sy atao batisa no hovonjena, izay tsy mino no hohelohina. Ary izao famantarana izao no hanaraka izay mino; hamoaka demonia amin'ny Anarako izy, hiteny amin'ny fiteny vaovao, handray menarana, hisotro zavatra mahafaty, hametratànana amin'ny marary dia ho sitrana ireny." Ary ny Baiboly no milaza fa, "Nandeha teny rehetra teny izy ireo," notarihin'ilay Mpitari-dàlana, fantatrareo, "nitory ny Teny, niaraka tamin'ny famantarana nanaraka." Inona àry izany? Ilay Mpitari-dàlana manamarina hoe Izany no Marina!

¹⁰⁰ Izay no fiàsan'Andriamanitra. Izay no lâlana nametrahana an'izany. Izay no Fandaharany; tsy afaka ny hiova amin'io Izy, satria tsy manam-petra Izy. Amena. Tsy afaka ny hiova amin'io Izy; Andriamanitra Izy. Izaho no mety miova; olona aho. Ianareo no mety miova; lehilahy sy vehivavy ianareo. Fa Andriamanitra tsy mety miova. Izaho no voafetra; mahavita manao fahadisoana aho sy milaza zavatra ratsy, isika rehetra samy mahavita. Fa Andriamanitra tsy mahavita, ary ho Andriamanitra. Ny Fanapaha-keviny voalohany dia tanteraka. Ny fomba fiàsan'Andriamanitra eo amin'ny sehatra, dia izay no fomba tsy maintsy Hiasany amin'ny fotoana rehetra. Raha nantsoina teo amin'ny sehatra Izy mba hamonjy ny mpanota, dia mamonjy azy Izy amin'ny fototry ny zavatra iray ihany. Amin'ny fotoana manaraka raha misy mpanota anankiray tonga, dia tsy

maintsy niasa tamin'izay fomba izay ihany Izy, raha tsy izay dia diso fiasa Izy tamin'Izy niasa tamin'ny voalohany. Amena. Tiako Izy. Fantattro fa izany no Marina.

¹⁰¹ Telo amby dimam-polo taona aho izao, nitory ny Filazantsara teto nandritry ny telo amby telo-polo taona sy tapany, tsy mbola nahita an'Io diso aho. Nahita Azy io nozahan-toetra im-pito nanerana an'izao tontolo izao aho, teo amin'ireo karazam-pivavahana rehetra sy ny maro hafa, teo anatrehan'ny olona antsasaky ny tapitrisa indray mandeha, nefá tsy diso mihitsy Izany. Tsy miresaka avy ao amina boky aho, fa miresaka avy amin'ny fahatsapako manokana aho, fa fantattro fa Andriamanitra dia mitsangana aorian'ny Teniny ka manaja Izany. Ankehitriny, raha karazana fanekempinoana no anananareo, dia tsaratsara kokoa ho anareo ny mitandrina an'izany. Fa ny Fanahy Masina kosa dia hanohana ny Tenin'Andriamanitra.

¹⁰² Ao amin'ny Masindahy Jaona, ny toko 1 ary ny andininny 1, hoy izy, "Izy no Teny. Izy no Mpitari-dàlana. Tamin'ny voalohany ny Teny, ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina tamintsika." Oadray!

¹⁰³ Voatarika i Petera mba hilaza, ao amin'ny Asa 2:38, hoe ahoana no handraisana ny Fanahy Masina, hoy izy, "Mibebaha, ianareo rehetra, dia aoka samy hatao batisa amin'ny Anaran'i Jesosy Kristy ho famelàna ny helokareo, ary avy eo ilay Mpitari-dàlana no hiahy anareo manomboka eo." Hia, izay no zavatra hatao. Voalohany, mibebaha amin'ny fahotanareo, ny tsi-finoanareo, izay tsy ninoanareo an'ireo zavatra ireo. Mibebaha, ary aoka hatao batisa, ary avy eo ilay Mpitari-dàlana no hiahy anareo manomboka eo. Hitanareo, izany no adidinareo. Adidinareo ny mibebaka. Adidinareo ny atao batisa. Avy eo adidin'ilay Mpitari-dàlana no miahy anareo manomboka eo, mitarika anareo avy amin'ny fahatanjahan-tsaina ho amin'ny fahalalana, ho amin'ny fahononam-po, ho amin'ny faharetana, ho amin'ny toe-panahy araka an'Andriamanitra, ary ho amin'ny fitiavan'ny mpirahalahy, dia ny Fanahy Masina no manisy tombokase anareo. Hitanareo? Avy eo dia tsanganana fenon'Andriamanitra ianareo, tena lehilahin'Andriamanitra, tena vehivavin'Andriamanitra, miorina tsara ao amin'i Kristy. Tiako izany, hoe miorina tsara ao amin'i Kristy.

¹⁰⁴ Hia, notarihan'ny Fanahy Masina i Marka, hanoratra ny Marka 16, izany tokoa.

¹⁰⁵ Voatarika i Jaona raha nanoratra ny Apokalypsy izy. Notarihan'ilay Mpitari-dàlana izy. Notarihan'ilay Mpitari-dàlana koa izy hilaza hoe, "Raha misy hanaisotra Teny iray amin'Ity, na manampy teny iray amin'Ity, dia samy ho esorina, ny anjarany, tsy ho ao amin'ny Bokin'ny Fiainana."

¹⁰⁶ Ankehitriny, ahoana no hanampianareo zavatra ao amin'ny Tenin'Andriamanitra, nefà mbola milaza foana hoe tarihin'ny Fanahy Masina ianareeo? Tsy misy dikany izany, sa tsy izay? Tsia, tompoko. Tsy izay io.

¹⁰⁷ Izy no Mpitari-dàlana ahy tamin'ny fiainako. Izy no nitari-dàlana ahy ho amin'ny Fiainana. Izy Ilay nitarika ahy ho amin'ny Fiainana, sady Izy no Fiainako. Raha tsy misy Azy dia tsy manana Fiainana aho. Raha tsy misy Azy dia tsy mila na inona na inona hafa aho. Izy no Rehetra ao amin'ny Rehetra ho ahy. Amin'ireo oran'ny olako, manohana ahy Izy. Nitahy ahy Izy omaly, androany dia mbola hanao izay ihany ireo. Inona no azoko andrasana? Toy izay hatrany io, deraina ny Anarany! Amena. Eny, tompoko. Izy no nampanantena an'izany. Hataony izany. Izy no Fiainako, Izy no Mpitari-dàlana ahy, ny Rehetra ao amin'ny Rehetra. Natoky Azy aho. Nandalo fizahan-toetra mafy aho. Natoky Azy aho na aiza na aiza alehako. Tiako ianareo hanao toy izany. Raha mandeha manasa lamba ianareo, ianareo vehivavy, matokia Azy. Raha mankany antanàna ianareo, matokia Azy.

¹⁰⁸ Nisy fotoana anankiray niheverako fa izaho dia karazana mpianala mahay anankiray, fantatrareo, nihaza im-betsaka. Nieritreritra aho hoe, “Nandalo fitsapana betsaka aho, tsy misy olona afaka... Tsy afaka hamery ahy ianareo. Ny mamako dia metisy Indiana, ary tiako izany. Oh, oadray! Tsy afaka hamery ahy any anaty ala ianareo, fantatro hoe aiza aho.”

¹⁰⁹ Ary tamin'ny volan-tanteliko, karazana nanao hafetsena kely tamin'ny vadiko aho, hoy aho taminy, “Fantatralo, malala, fa zavatra tsara ho antsika ny hivady amin'ny fahatelo amby roa-polo Oktobra.” Izany tokoa, fa io no nolazain'ny Tompo hanaovako azy.

¹¹⁰ Dia nieritreritra aho hoe, “Ankehitriny, ho an'ny volan-tantely kely, dia nanangom-bola aho, ka hitondra azy ho any Niagara Falls aho, sy handeha ho any Adirondack ary hanao fihazana kely.” Hitanareo? Koa nentiko izy sy Billy, mbola zazalahy kely izy tamin'izay. Koa dia tsy maintsy nitondra azy tao amin'ny volan-tantely aho, sady ilay izy lasa fitsangatsangana fihazana, ihany koa, fantatrareo. Koa—ko a nihevitra aho fa zavatra tsara hatao izany. Ka dia nentiko niakatra izy, ary ny... .

¹¹¹ Nanoratra tamin'Atoa. Denton aho, ilay mpiandry ala. Dia nandeha niakatra teny amin'ny Tendrombohitra Hurricane izahay. Dia hoy aho, “Atoa. Denton, hiakatra any aho, fa te-hihaza bera miaraka aminao amin'izao fararano izao.”

¹¹² Dia hoy izy, “Eny àry, Billy, miakara àry.” Dia hoy izy, “Ho any aho amin'ny daty izao-izao.” Eny, tonga teo indray andromialoha izaho sy ny vadiko, ary Billy, ka nihidy ilay trano kely. Nisy fialofana kely tery aorian'ny ala tery.

¹¹³ Teo, izaho sy Rahalahy Fred Sothmann no nandeha vao tsy ela akory izay ary nitsangana teo. Ny Fanahy Masina, nahita Azy nitsangana teo aho, io Hazavana mavo nihodinkodina tao amin'ny roimemy io, ary nitsangana teo mihitsy Fred. Hoy Izzy, "Avia miatàha, te-hiresaka amina Aho. Rahampitso," dia hoe, "mitandrema, fa mametraka fandrika ho anao izy ireo." Dia hoe, "Miambena!" Tsy marina ve izany, Rahalahy Fred? Ary nandeha aho ka nilaza tamin'ny olona an-jatony maro tamin'io alina io, tany Vermont, hoy aho, "Misy fandrika napetraka ho ahy; handeha hijery an'izany aho. Tsy fantattro hoe aiza ilay izy." Ary ny alina nanaraka mihitsy, dia io fa tonga ilay izy, teo ilay izy. Hoy aho, "Ity ilay fandrika izay napetraka." Eny, tompoko. Fa ny Fanahy Masina no nitarika ahy tao amin'izay hatao. Ary, oh, oadray, tena marina mihitsy izany! Oh, maro aminareo no mahalala hoe inona ilay izy. Tsy manana fotoana hitantarana an'ilay izy aho.

¹¹⁴ Fa raha nitsangana teo amin'izany toerana izany izahay tamin'io fotoana io, dia nanomboka nivadika nangatsiaka ilay andro. Ny ampitso vao tonga Atoa. Denton, hoy aho, "Fantatralo, malala, tena tsara raha mahazo diera-lahy lehibe a-anankiray aho mba ho entina any an-trano." Hoy aho, "Isika dia... Tsy maintsy nitsitsy vola aho, sady vao nivady isika." Dia hoy aho, "Hanan-kena ho an'ny ririnina isika raha mahazo haza kely aho anio."

¹¹⁵ Dia hoy izy, "Eny, mandehana, Billy." Dia hoe, "Ankehitriny, tsarovinao, fa tsy mbola tao anatin'ireto ala ireto mihitsy aho hatramin'izay," hoy izy. Teny amin'ny dimy amby roa-polo maily teo ho eo teny ambony tendrombohitra no nisy azy, fantatrareo, ka hoy izy, "Tsy mahafantatra na inona na inona mikasika an'io aho." Ary hoy izy, "Koa izaho dia..."

¹¹⁶ Hoy aho, "Eny, ankehitriny, tadiniao, roa taona lasa izay no namonoako an'ireo bera telo ireo. Teny ambadiky ny tampon'iry tendrombohitra iry mihitsy izany." Ary hoy aho, "Ankehitriny, hahazo diera-lahy lehibe aho sady hahazo bera isika," dia hoy aho, "hanan-kena isika mandritra ny ririnina." Eny, toa ohatry ny tsara ery ny fandre an'izany, fantatrareo. (Ary nioty frezy izahay, sady naka ny arintaninay ho an'io—ho an'io ririna io; ary dia nivarotra an'izany Billy, ary izaho sy Meda no nioty an'izany rehefa hariva rehefa avy nahavita ny fisafaoko.) Koa izaho—izaho nanao hoe, "Eny, ndeha aho haka ny basiko, ka hidina eny aho." Hoy aho, "Misy diera maro eto, hahita anankiray aho." Dia hoy aho, "Fantatralo," hoy aho, "ho azoko io." Ary hoy aho, "Isika dia... Hiverina tsy ho ela aho."

Hoy izy, "Eny àry."

¹¹⁷ Koa, rehefa niainga aho, somary nandrahona teo. Ary izay olona avy any New Hampshire, sy avy any New England, dia fantatrareo ny dikany rehefa midina ny zavona, na amin'ny

toeran-kafa eny an-tendrombohitra, tsy fantatrareo hoe aiza no misy anareo. Izay ihany. Tsy hitanareo ny tanganareo eo anoloanareo. Koa dia nanomboka nidina nandalo teo—teo amin'ny toerana voadio aho, tahaka izany, nidina teo, nivadika tao ambadik'ilay tany voasa dia niakatra. Ary nahatsikaritra pantera anankiray aho, izay no iantsoanareo azy amin'ity faritany ity. Ny iantsoanay azy io, any Andrefana, dia kogara. Ny iantsoan'izy ireo azy io, any ambony any, dia lion'ny tendrombohitra. Fa biby iray ihany io. Fa pioma izany, ny tena maha-izy azy. Io karazan-tsaka io, eo amin'ny sivy dian-tongotra eo ny halavany, milanja eo amin'ny dimam-polo amby zato, na roan-jato livatra eo. Niampita teo amin'ny lalana izy, dia navoakako haingana ny basiko, saingy tara ka tsy nahatifitra azy.

¹¹⁸ Eny, niakatra moramora ny havoana aho, nihaza an'io kogara io, nitazana an'ireo ravin-kazo izay nolalovany, fantatrareo. Nandre azy aho. Nanana tongotra efatra izy. Fantatro fa tsy biby misy tongotra roa io, efatra ny tongony. Ary fantatro fa tsy diera izy io, satria ny diera mitsambikimbikina. Ary nandeha miadana tsara izy, ilay saka, fantatrareo, tahaka izany. Fa ny bera manakorisa ny tongony rehefa mandeha izy. Ka dia fantatro fa tsy maintsy kogara ilay izy. Ary tao ambadiky ny vatan-kazo anankiray izy ka tsy nahita azy aho, mandrapahatonga azy niserana, dia lasa izy.

¹¹⁹ Ary notazaniko ny toerana nanetsehany ravin-kazo, fantatrareo, teny an-tampon'ny tendrombohitra teny, ary nidina toy izao aho, nefy tsy mijery an'ilay rahona niha-nanatona hatrany, fantatrareo, nidina ny zavona. Nidina moramora aho, nandeha namakivaky lohasaha lehibe ary nandeha tao amin'ny ala Giants, nanaraka an'io kogara io. Nieritreritra aho hoe, "Ho azoko io afaka kelikely." Nahita toerana aho, ary nihanika teo amin'ny toerana avo, sady mijery nanodidina toy izao, ary nitsidika nanodidina, ahitana raha mety hahita azy aho; nihaino tsara aho, sady nidina, nikorisa moramora indray. Nandre ny ahitra mikopakopaka aho, teo anoloako teo, rehefa nivoaka izy. Hitanareo, nihanika ny hazo izy teo mba tsy ahafahako manaraka azy. Hitanareo, fa fetsy izy, niakatra teo amin'ny hazo dia nitsambikimbikina mitety hazo. Ary fantany fa tsy afaka ny hanaraka azy aho. Oh, nieritreritra aho hoe, "Oh, tsy maninona!"

¹²⁰ Ary nanomboka nihanika ny riham-bato aho, dia nanimbolo bera anankiray, bera lahy antitra anankiray. Nieritreritra aho hoe, "Ho azoko amin'izay io izao, zalahy, tsara izany!" Nanimbolo indray aho, dia nandeha lavidavitra kely kokoa, sady nitazana an'ireo karazana famantarana sy ny maro hafa. Tsy nahita zavatra aho; nitodika tany aoriana aho, dia nandeha niverina nidina taty amin'ny ilany hafa an'ilay tendrombohitra. Ary dia nanomboka nahatsikaritra aho, nanomboka nanjavona

kely. Ary nanimbolo indray aho, nanodidina teo ho eo izy. Hoy aho, "Tsia. Ankehitriny, izao no niseho, ny rivotra tonga avy *ety*, ary izaho tonga . . . Ilay fofon'ny bera tonga avy *ery*, ary izaho namakivaky hatreto nefo ny rivotra tonga avy amin'iry faritra hafa irey. Koa tsy maintsy miverina eo amin'ilay nifofonako an'ilay bera tamin'ny voalohany aho, ary hiainga avy eo."

¹²¹ Ary teny amin'ny lâlako niverina, dia njery tetsy ambadiky ny riham-bato aho, hitako fa nihetsika ny ahitra. Ary rehefa teo aho, dia nisy zavatra mainty nihetsika. Nieritreritra aho hoe, "Io izy eo." Nofahanako ny basiko, arak'izay aingana, dia tsy nihetsika aho. Ary, rehefa teo izy, diera-lahy lehibe ilay izy, anankiray lehibe tokoa. Nieritreritra aho hoe, "Ity fotsiny ihany no hohazaiko, tsy maninona." Notifiriko ilay diera-lahy.

¹²² Nieritreritra aho hoe, "Tsara!" Tsy nahatsikaritra mihitsy aho fa izy io dia karazany . . . Ny fotoana laniko nanamboarana azy, tahaka . . . Nosasako ny tànako arynofafako ny antsiko, naveriko tamin'ny toerany. Dia nieritreritra aho hoe, "Deraina Andriamanitra! Misaotra Anao, Tompo Jesosy, Nanome ahy ny henako ho an'ny ririnina Ianao. Deraina anie Andriamanitra!" Ary nalaiko ny basiko. Nieritreritra aho hoe, "Handeha hiverina eny amin'ny riham-bato avy hatrany aho izao." Hoy aho, "Jereo aty, zalahy, ho avy ny tafio-drivotra. Tsaratsara kokoa ho ahy ny miala eto ka hiverina ho any amin'i Meda sy ireo sasany." Hoy aho, "Tsy maintsy malaky aho."

¹²³ Nihanika ny haram-bato aho, novahako ny bokot'ilay akanjobako mena, ary nihazakazaka niakatra ny haram-bato toy izao aho, nihodidina. Ny zavatra voalohany fantatrareo, nieritreritra aho hoe, "Oadray, taiza no nihodinako teo?" Efa namely sahady ny rivotra, niara-nihetsika ny hazo. Nieritreritra aho hoe, "Taiza no nihodinako teo?" Nandeha nihodinkodina aho. Izaho—izaho dia nahafantatra fa nizotra mahitsy nankany amin'ny Tendrombohitra Hurricane aho. Saingy nijanona tampoka aho, ary tera-tsemboka aho, nieritreritra aho hoe, "Inona ity olana eto ity? Efa lany antsasakadiny aho, na telo ampahefany, nefo tsy hitako hatrany ilay toerana nihodinako." Nijery ambony aho, ary nihantona teo ilay dierako. Mbola teo amin'ilay toerana ihany aho. Nieritreritra aho hoe, "Eny, inona ity nataoko?"

¹²⁴ Eny, nandeha indray aho. Nieritreritra aho hoe, "Ho vitako amin'izay ity amin'izao, tsy njery tsara fotsiny aho teo." Nodinihiko avokoa ny fihetsika kely rehetra teo, nodinihiko. Nitady hatrany aho, nitady, nitady. Ary dia tonga ny rahona, fantatro fa efa an-dàlana ny tafiotram-panala anankiray, ambanay be ny zavona, ary teo vao nanomboka nahatsikaritra aho. Nieritreritra aho hoe, "Handeha lavidavitra aho," nandroso hatrany, hatrany, hatrany, hatrany, hatrany, hatrany. Dia nieritreritra aho hoe, "Eny, hafahafa ity, tahaka ny efa

hitako ity toerana ity taloha.” Dia njery aho, ary nihantona teo ilay dierako. Hitanareo?

¹²⁵ Fantatrareo ve hoe inona no nanjo ahy teo? Ireo Indiana dia miantso an’izany hoe “dian’ny fahafatesana.” Hitanareo, mandeha ao anaty sakodina ianareo, mihodidina dia mihodina. Eny, nihevitra aho fa mpitari-dàlana tena mahay aho ka tsy ho very mihitsy. Hitanareo, hoe tsy misy na inona na inona hilaza amiko ny any an’ala, fantattro ny lâlan-kalehako. Hitanareo?

¹²⁶ Ary nanomboka lasa indray aho. Hoy aho, “Tsy afaka ny hanao an’izao fahadisoana izao aho.” Dia niverina indray aho.

¹²⁷ Nihanika kely ny haram-bato aho, dia nanomboka nitsoka ny rivotra. Oh, oadray, oram-panala n’aina n’aina! Efa saiky maizina avokoa. Ary fantattro fa ho faty ao an-efitra Meda io alina io, tsy hainy ny hiahy ny tenany. Ary Billy dia vao efatra taona eo ho eo, telo taona, tena mbola kely. Nieritreritra aho hoe, “Inona no hataon’izy ireo?” Eny, niakatra lavidavitra aho ka nahita ahi-maitso, nieritreritra aho hoe, “Eto amin’ny marintampona eto ho eto aho, nefo tsy mahita na inona na inona, manjavona ny rehetra.” Nihodinkodina teo àry aho.

¹²⁸ Ny mahazatra, mahita toerana anankiray aho dia mijanona eo, raha misy olona miaraka amiko. Mijanona eo aho ary miandry mandra-pahalasan’ny tafio-drivotra, iray andro na roa, dia mivoaka. Manapaka kely amin’ny dierako...ataoko ao an-damosina, dia mankao aho, mihinana, dia manadino ny amin’ilay izy. Saingy tsy vitanareo ny hanao izany, nefo ny vadinareo sy ny zanakareo tavela any anaty ala, eo an-dàlam-pahafatesana. Hitanareo?

¹²⁹ Koa nanomboka nieritreritra aho, “Inona no azoko atao?” Dia nandeha lavidavitra aho. Ary nieritreritra aho hoe, “Ankehitriny, andraso. Rehefa namaky an’io lohasaha voalohany io aho, dia nifanatrika tamiko ny rivotra, koa tsy maintsy ity lâlana ity no nihaviako. Tsy maintsy ity lâlana ity no nihaviako.” Dia nirenireny tao amin’ny ala Giants aho, saingy tsy fantattro hoe taiza no misy ahy. Hoy aho, “Oh!” Nanomboka taitaitra aho. Ary nieritreritra aho hoe, “Andraso kely, Bill, tsy very ianao,” niezaka nihambo foana. Tsy azonao ihamboana foana izany. Tsia, tsia. Ilay fisainana lalina ao anaty dia miteny aminareo hoe diso ianareo.

¹³⁰ Oh, ianareo—ianareo miezaka milaza hoe, “Oh, voavonjy aho, mankany am-pianganana aho.” Aza manahy, andraso mandra-pihavin’io fandrinam-pahafatesana io, dia ho fantatrareo fa samihafa izany. Miteny aminareo ny fisainanareo. Misy zavatra ao anatinareo miteny aminareo fa diso ianareo. Hitanareo? Fantatrareo fa raha maty ianareo dia tsy afaka ny hihaona amin’Andriamanitra masina anankiray. Toy ny nahitantsika Azy omaly hariva, fa na ireo Anjely masina aza dia tsy maintsy manarona ny endriny raha hijoro eo Anatrehany.

Ahoana handehananareo hijoro eo nefá tsy manana ny Ràn'i Jesosy Kristy hanarona anareo?

¹³¹ Nieritreritra aho hoe, “Oh, ho vitako ity.” Lasa indray aho. Ary tsapako fa nandre Zavatra tsy ankijanona aho. Dia tonga taitaitra aho. Dia nieritreritra aho hoe, “Ankehitriny, raha izao no ataoko, dia hisavoritaka aho.” Izay matetika no ataon’ny olona anankiray very, misavoritaka any anaty hazo any izy. Avy eo dia halainy ny basiny, tifiriny ny tenany; na hilatsaka any ankady ka ho tapa-tongotra, dia ho tavela eo izy, ary ho faty eo izy. Koa dia nieritreritra aho hoe, “Inona no ndeha hataoko?” Koa nanomboka nandroso aho.

¹³² Ary nandre Zavatra tsy ankijanona nanao hoe, “Izaho no Mpamony mora azo amin’ny andro fahoriana.” Nandroso fotsiny aho.

¹³³ Nieritreritra aho hoe, “Ankehitriny, fantattro fa manomboka lasalasa kely aho izany, nandre feo anankiray niresaka tamiko aho.” Nandroso hatrany aho. Lasa aho, “fioo, fioo, fioo,” nisiotsioka, fantatrareo. Nieritreritra aho hoe, “Ankehitriny, tsy very aho. Fantatralo izay misy anao, zalahy! Inona no olana mahazo anao? Tsy mety ho very ianao. Ianao anie—ianao anie ka mpihaza mahay eh, tsy afaka ny ho very ianao.” Nampahery tena, fantatrareo, nanamboatra ny eritreritro hihambo foana mba hialàna.

¹³⁴ Tsy azonareo ihamboana foana izany. Ao amin’ny lalina *ato* misy kodia kely nihodina, manao hoe, “Zalahy, very ianao sady fantatralo fa izay ianao. Hitanao, very ianao.”

¹³⁵ Nandroso hatrany aho. “Oh, tsy very aho! Hilamina tsara aho. Ho hitako ny lèlana hivoahako.” Nanomboka hafahafa ny endri-javatra, nanakaiky ny rivotra. Nanomboka nirotsaka ny oram-panala, ilay oram-panala kely miparasadrasaka, antsoinay hoe “milatsaka miparasadrasaka” izy io. Nieritreritra aho hoe, “Vady aman-janaka! Izaho tsy...” Nieritreritra aho hoe, “Oh, oadray!”

¹³⁶ Tampoka teo dia reko indray ilay Izzy, nanao hoe, “Izaho no Mpamony mora azo amin’ny andro fahoriana.” Efa mpitoritenin’ny Filazantsara aho teo, nitory teto amin’ny tabernakla mihitsy.

¹³⁷ Koa dia nieritreritra aho hoe, “Eny, inona no azoko atao?” Nijanona aho, njery nanodidina, ary dia nisy ny zavona efa nilatsaka sahady teo. Izaho... Izay ilay izy. Tsy misy azo atao intsony teo. Nieritreritra aho hoe, “Oh, inona no azoko atao?” Nieritreritra aho hoe, “Tompoko, tsy mendrika ny ho velona aho, natoky tena loatra aho. Nihevitra aho fa mpihaza anankiray, kanjo tsy izy aho.”

¹³⁸ Fa, rahalahy, natoky Azy foana aho. Amin’ny fitifirana, nahazo laharana faratampony aho ireo ambony ireo. Amin’ny

maha-mpanjono, izaho no mampalahelo indrindra, saingy natoky Azy foana aho. Ny tifitra, mpitifitra tsy mahay aho, nefà namela ahy nahatratra ny laharana faratampony maneran-tany Izy tamin'io. Hitanareo? Nitifitra diera, fito, valon-jato verza. Manana basy aho io ambony io nahafatesako haza dimy amby telo-polo izay tsy nisy tsy voatifitra na ny iray aza. Vakio fotsiny izany any ho any, raha azonareo atao. Hitanareo? Tsy izaho, fa Izy izany. Natoky Azy aho.

Teo àry aho, nieritreritra aho hoe, “Inona no azoko atao? Inona no azoko atao?”

¹³⁹ Notohizako... Nihananaakaiky Izany, nanakaiky, “Izaho no Mpamonjy mora azo amin’ny andro fahorianà, Mpamonjy mora azo.”

¹⁴⁰ Nieritreritra aho hoe, “Andriamanitra ve izany miresaka amiko izany?” Nesoriko ny satroko. Nanao an’ilay satroko fisafona aho, nisy tapaka mosara mena manodidina azy. Napetrako ambany izany. Nesoriko ny akanjobako, fa mando izy io. Ary napetrako ambany ny akanjobako, nankiniko teo amin’ny vatan-kazo anankiray ny basiko. Hoy aho, “Ray any Andanitra, manomboka tsy tompon’ny tenako aho izany, mandre feo miresaka amiko aho. Ianao ve izany?” Hoy aho, “Tompo, ndeha hiaiky Aminao aho hoe tsy mpihaza aho. Tsy izy aho, izaho—izaho tsy mety mahita ny lâlako eto. Tsy maintsy Ianao no manampy ahy. Tsy mendrika ny ho velona aho, fa nanao an’ireo zavatra izay nataoko ireo, dia ny tonga teto ka nieritreritra fa mahalala betsaka ny amin’io aho ka tsy ho very mihitsy. Mila Anao aho, Tompo. Ny vadiko dia vehivavy tsara. Ny zanako, ilay zanakalahy keliko, ny reniny efa maty, ary izy dia miezaka ny mba ho reny ho azy, ary vao nalaiko vady izy. Nefà io izy io, ankizy anankiray, any anaty ala any, ho faty izy roa izao hariva izao. Izato rivotra, hivadika ho folo ambanin’ny aotra izy io, ary tsy ho fantatr’izy ireo hoe ahoana no hahavelona. Ho faty izy ireo izao hariva. Aza avela ho faty izy ireo, Andriamanitra. Ento eo amin’izy ireo aho, mba hahitako fa tsy maty izy ireo. Very aho! Very aho, Andriamanitra! Izaho—izaho tsy mety mahita ny lâlako eto. Tsy hanampy ahy ve Ianao azafady? Fa mameùà, ahy noho ny fomba fiheveran-tenako! Tsy misy na inona na inona azoko atao raha tsy misy Anao, Ianao no Mpitari-dàlana ahy. Ampio aho, Tompo.”

¹⁴¹ Nitsangana aho, ka nanao hoe, “Amena.” Noraisiko ny mosarako; ny akanjobako, noraisiko izany; nanaovako indray ny satroko; noraisiko ny basiko. Hoy aho, “Ankehitriny dia hametraka ny tenako ao amin’ny lâlana tsara indrindra izay haiko haleha aho, ny tsara indrindra avy amin’ny fahalalako; ary hizotra mahitsy amin’ny lâlana anankiray aho, satria mihodinkodina amina faribolana anankiray fotsiny aho, tsy

fantatro hoe aiza. Fa handeha amin'ny lèlana izay Lazaina ahy aho, Tompo Andriamanitra, Mpitari-dàlana ahy.”

¹⁴² Nanomboka nandeha tamin’ity lèlana ity aho. Hoy aho, “Ity no izy, ary tsy maintsy nasaiko nino an’io ny tenako. Handeha amin’ity lèlana ity aho. Handeha hanitsy amin’ity lèlana ity aho. Tsy handeha hiovaova aho, handeha amin’ity lèlana ity aho. Fantatro fa marina aho. Handeha amin’ity lèlana ity aho.” Raha itsy lèlana itsy no nalehako, dia nizotra ho any Canada. Hitanareo?

¹⁴³ Tamin’izay indrindra no nahatsapako Zavatra nikasika ahy teo amin’ny soroko, tènana anankiray, toy ny tènan’olona anankiray no nahatsapako azy, tena haingana ka nitodika aho mba hijery. Tsy nisy olona mitsangana teo. Nieritreritra aho hoe, “Inona àry izany?” Ity mipetraka eto anoloako ity ny Baiboly. Andriamanitra, Mpitari-dàlana sy Mpitsara ahy, no mitsangana eto. Niandranda fotsiny aho. Ary tery amin’ny faran’ity, lèlana ity dia nisinda kely fotsiny ny zavona ka zara raha nahafahako nahita ny tilikambo eo an-tampon’ny Tendrombohitra Hurricane. Tena nandeha nahitsy tany amin’izay nifanohitra tamin’io aho, tamin’ny tsara indrindra amin’ny fahaizako mihaza, nandeha tany amin’izay nifanohitra tamin’io aho, ary efa tena hariva be tamin’io. Nitodika haingana aho, nampitodika ny tenako toy *izao*. Nesoriko ny satroko ary nasandratro ny tènako, hoy aho, “Tariho hatramin’ny farany aho, Andriamanitra, Ianao no Mpitari-dàlana ahy.”

¹⁴⁴ Lasa aho. Tsy maintsy nandeha nihanika teo amin’ireo hantsana sy ny maro hafa mba hahatongavako eny, mihatara sy mihatara. Avy eo maizina ny andro. Nitsambikimbikina teo anoloako ireo diera, sy ny sisa. Tsy nisy nieritreretiko afa-tsy ny nihazona ny tenako teo amin’ny lèlana anankiray, ho any amin’io tendrombohitra io.

¹⁴⁵ Ary fantattro fa raha afaka ny ho tonga eo amin’ilay tilikambo aho, Izaho sy Atoa. Denton... Nanampy azy nametraka ny tady fifandraisana aho tamin’io lohataona io. Nametaka ny taribin’ny telefona avy any Tendrombohitra Hurricane izahay, hatrany ambany izay teo amin’ny telo sy sasany na efatra maily teo, hatrany amin’ny toby mihitsy. Ary nisy sakeli-dàlana kely teo amin’io, saingy, teo ilay oram-panala, ka tsy hainareo avahana ilay sakeli-dàlana. Hitanareo? Ary nitsoka ny rivotra sy ny sisa, maizina sy nandrivotra ny andro ka, namely, tsy hainareo ny hilaza hoe aiza no misy anareo. Eny, ny zavatra tokana haiko natao, rehefa maizina ny andro, ary tsy fantattro... Fantattro fa nandeha tamin’ny lèlana anankiray aho, ary tena miakatra ny tendrombohitra mihitsy. Satria tokony hiakatra an’ilay tendrombohitra aho, fa ilay tilikambo dia eo an-tampon’ilay tendrombohitra mihitsy, ary eo amin’ny enina maily eo no tsy maintsy hataoko hahatongavako eny.

Etrirereto fotsiny, fa nisinda ilay zavona, enina maily, lavaka kely anankiray fotsiny, mba nahafahako nahita azy io!

¹⁴⁶ Avy eo izaho—izaho naka ny basiko tamin'ity tànako ity, ka nanandratra hatrany an'ity tànako ity, satria nametaka an'ilay—ilay tariby teo amin'ireo hazo nidina tahaka izany aho, ilay taribin'ny telefona nankao amin'ilay trano-fiantsoana, ka nahafahany niresaka tamin'ny vadiny, sy niantso avy teny, avy teny an-tendrombohitra. Ary tsy maintsy nanampy azy nampidina an'io aho tamin'ny fararano iny. Natsangako toy *izao* ny tànako, niteny hoe, “Andriamanitra ô, avelao aho hikasika an'io tady io.” Nandeha aho, ary naharary mafy ahy ny sandriko, reraka, ka tena sarotra ho ahy ny nihazona azy, ka tsy maintsy nampidiniko izy. Ary navadiko ny basy ka nataoko tamin'ny *tato*; nanao dingana vitsy niverina aho mba ho azoko antoka fa tsy ho diso an'ilay izy aho, avy teo nasandratro ny tànako, nanomboka nandeha, nandeha. Efa tara, maizina, ny rivotra nitsoka. Oh, naharay ratsan-kazo anankiray aho, ka hoy aho, “Ity ilay izy! Tsia, tsy ity ilay izy.” Oh, izany dia nanome... Aza avela hanome feo hafahafa izany.

¹⁴⁷ Afaka kelikely, rehefa tena vonona ny hamoy iny mihitsy aho, dia nahadona zavatra ny tànako. Oh, oadray! Hita indray aho, raha very aho teo. Nohazoniko ilay tariby. Nampidiniko ambany ny basiko, nesoriko tamin'ny lohako ny satroko, dia nijoro teo aho. Hoy aho, “Andriamanitra ô, fahatsapana toy inona moa izany hoe hita izany, raha avy very ianao.” Hoy aho, “Hatreny amin'ny faran'ity tariby ity, tsy havotsotro intsony ity. Hihazona amin'ity tariby ity aho. Ity no hitari-dàlana ahy avy hatrany eo amin'izay misy an'ilay malalako eto an-tany, any mihitsy. Ny vadiko sy ny zanako, mivarahontsana, tsy mahalala hoe aiza aho, tsy mahalala hoe ahoana no famelomana afo, tsy mahalala hoe inona no atao, nefy ny rivotra mitsoka, ireo tapakazo mipoapoaka sy mianjera avy eny amin'ny hazo.” Tsy sahiko ny namotsotra an'ilay tariby. Nohazoniko ilay tariby mandrapahatongan’izany nitari-dàlana ahy teo amin'izay nisy an'ilay malalako eto an-tany.

¹⁴⁸ Fahatsapana mahatsiravina izany, sady fahatsapana lehibe ny nahitako ny lèlana nivoaka, fa tsy mbola ny antsasany izany. Indray andro aho very tao anatin'ny ota. Nitetitety fiangonana aho, niezaka ny hahita Zavatra. Nankany amin'ny Advantistan'ny Andro-fahafito aho, hoy izy ireo tamiko, “Tandremo ny Sabata, aza mihinana hena.” Nankany amin'ny fiangonana Batista aho, ny fiangonana Batista voalohany, hoy izy, “Mitsangana fotsiny dia lazao azy ireo fa mino an'i Jesosy Kristy ilay Zanak'Andriamanitra ianao, dia hataoko batisa, dia izay.” Tsy nisy na inona na inona. Fa indray andro, tao amin'ilay efitra kely fametrahana arina, nasandratro ny tànako, naharombaka Zavatra aho; na, ny hilazako azy, nisy Zavatra nandrombaka ahy. Dia ilay Tadin'aina izany, ilay Mpitari-

dàlana. Ary Izy no nitarika ahy voaaro hatreto, tsy hanala ny tànako amin'io Tariby io aho. Hazoniko eo Aminy ny tànako. Avelao ny fanekem-pinoana, ny anaram-piagonana hanao izay tiany atao, fa izaho hihazona an'ilay Mpitari-dàlana. Satria izay rehetra efa nisy teto an-tany sy izay rehetra ao An-danitra, izay zavatra sarobidy amiko, dia eny amin'ny faran'io Tady io. Izy no nitondra ahy voaaro hatreto, hatoky Azy aho amin'ny lâlako sisa. “Rehefa tonga Izy ilay Fanahy Masina, dia Izy no hitari-dàlana anareo sy hitarika anareo amin'ny rehetra . . .”

¹⁴⁹ Ry sakaiza, Io no nitondra ahy eo amin'izay misy ahy ankehitriny. Io no nanao ahy arak'izay maha-izy ahy. Ampifaliana no ampaahafantaroko anareo Azy. Io no Mpitari-dàlana tokana hany fantatro, ho an'ny eto an-tany na any Ambony. Izy no Mpitari-dàlana ahy raha mandeha mihaza aho. Izy no Mpitari-dàlana ahy raha mandeha manjono aho. Izy no Mpitari-dàlana ahy raha miresaka amin'ny olona aho. Izy no Mpitari-dàlana ahy raha mitoriteny aho. Izy no Mpitari-dàlana ahy raha matory aho.

¹⁵⁰ Ary rehefa tonga ny hahafatesako, dia hijoro eo amin'ilay renirano Izy. Izy no hitarika ahy hiampita amin'ny lâlana. “Tsy hatahotra ny loza aho, fa Ianao no amiko. Ny Tsorakazonao sy ny Tehinao, ireo no hanitsy ahy sy hitari-dàlana ahy hiampita ny renirano.”

Ndeha isika hivavaka.

¹⁵¹ Ray any An-danitra, mankasitraka tokoa aho ny amin'ilay Mpitari-dàlana, dia ilay Anankiray Izay mitarika ahy. Oh, indraindray, Ray, tsy afaka ny mandre Azy manodidina ahy aho, azon-tahotra aho. Tiako Izy raha hanakaiky ahy satria tsy fantatro ny fotoana ahatongavako eo amin'ilay renirano. Tiako Izy raha ho eo akaikiko. Aza miala amiko mihitsy, Tompo. Tsy vitako ny hiresaka, tsy vitako ny history, tsy vitako ny hihaza any an'ala, tsy vitako ny hanjono eny amoron-drano, tsy vitako ny hitondra ny fiarako, tsy misy na inona na inona mety ho vitako raha tsy misy Anao. Ianao no Mpitari-dàlana ahy. Toy ny inona ny hafaliako milaza amin'ity fiangonana ity izao hariva izao, hoe ahoana no Nitarihanao lâlana ahy tamin'ireo zavatra rehetra ireo, ahoana no Nitondranao ahy!

¹⁵² Nieritreritra aho indray andro; vao taona vitsy lasa izay, raha nijoro teny amin'ny arabe, ary satria nanao zavatra tsy mety ny fianakaviako, dia tsy nisy te-hiresaka tamiko. Nanirery aho ka nila fiombonana. Tsy nisy olona te-hiraharaha ahy. Hoy izy ireo, “Mpivarotra toaka risoriso ny dadan'io.” Ary, Tompo, hitako fa tsy nisy te-hiresaka tamiko. Nefa tiako ny olona. Fa indray andro rehefa naharombaka an'io Tady io aho! Ankehitriny dia heveriko, Tompo, fa tsy maintsy mitsoaka sy mankany an-efitra aho mba hiala sasatra kely. Inona no nahatonga izany? Tsy ny maha-izy, tsy ny fahaizana; tsy ananako

izany. Fa Ianao izany, Tompo. Ianao, Tompo. Navelanao hahavoa an'ilay lasibatra aho, navelanao hahazo an'ilay trondro lehibe aho, satria Fantatrala fa tiako ny hahazo izany. Nanome ahy ray sy reny Ianao. Nanome ahy rahalahy sy anabavy Ianao. Nanome ahy ny fahasalamako Ianao. Nanome ahy vady anankiray Ianao. Nanome ahy fianakaviana Ianao. Ianao no Mpitari-dàlana ahy, Tompo. Avelao aho hihazona ny Tànanao, aza avela hamotsotra mihitsy aho. Raha reraka ny tànana anankiray, dia hisolo tànana fotsiny aho. Ampio aho, Tompo.

¹⁵³ Ary ankehitriny enga anie ny tsirairay eto mba hihazona an'io Tadim-pamonjena io ihany, Tompo, ilay Fanahy Masina izay Fiainanay, ilay loharano mpanome Fiainana. Ary enga anie Izy io hitari-dàlana anay rehetra ho amin'io Tany mahafinaritra any io, izay hahatapitra ny fahorian'ny fiainana ka ny asanay eto an-tany dia vita, ary dia tsy hisy fahanterana intsony, tsy hisy olona osa, tsy hisy alina sarotra intsony, tsy hisy tomany sy ny vavaka intsony, tsy hisy antso eny amin'ny alitara intsony, fa ho tanora mandrakizay izahay any, ny aretina sy ny alahelo tsy hisy intsony. Tsy hisy ota intsony, fa ho velona ao amin'ny fahamarinan'Andriamanitra izahay mandritry ny taona rehetra ho avy, mandritry ny Mandrakizay tsy manam-pahataperana. Ekeo izany, Ray.

¹⁵⁴ Ary ankehitriny, Ray, raha toa ka misy eto izao hariva izao tsy mbola nihazona an'io Tadim-pamonjena io mihitsy, enga anie izy ireo hahita Izany izao ankehitriny izao. Ary enga anie ny Fanahy Masina Izay nitari-dàlana . . . Fa afaka ny hilaza avy ato am-poko aho, miaraka amin'ny tànako eo ambonin'ny Teninao, fa nanana ny marina foana Izy. Izaho no diso matetika. Fa Izy no marina. Avelao Izy hijanona eo amiko, Tompo. Avelao aho hijanona eo Aminy. Ary enga anie ny hafa izay eto, ireo izay tsy mahafantatra Azy izao hariva izao, enga anie izy ireo hihazona an'ilay Tànanay tsy miova, mba ahafahan'izy ireo ho voatari-dàlana.

¹⁵⁵ Ary indray andro any dia ho tonga eo amin'ilay renirano izahay. Ary hisy zavona amin'izany maraina izany. Hierona ilay ranomasina tranainity, ilay Jordana tranainity, hikapoka ny alondrano, ny fahafatesana hanampina ny aina hiala aminay. Nefa, Andriamanitra, izaho—izaho tsy hatahotra. Efa nalamiko hatry ny ela izany. Tiako fotsiny ny hanala an'ilay fiarovan-doha, toy ny mpiady, ka hitodika, hijery an'ilay lâlan-tery tany aoriania mba ahitana hoe taiza no nitarihan'io Tady io lâlana ahy. Mahita an'ireo efitra rehetra nandalovako, sy ireo faritra rehetra nisy ahi-dratsy, sy ireo antotam-bato kely rehetra izay nanamangana ahy, nefo nohazoniko ilay Tariby. Toy izay Nolazainao, hoy ny poetry, "Ny sasany nandalo rano, ary ny sasany nandalo riaka, ny sasany nandalo fizahan-toetra lalina, saingy izy rehetra nandalo ny Râ." Ary tiako ny haka an'Ity, ilay Sabatra tranainity eto, izay niaro ahy tamin'ny lâlana rehetra, ary hampiditra Azy io indray amin'ny Tranony, ka hihiaka hoe, "Ray, ampitao ny sambo izao

maraina izao, hody any an-trano aho.” Ho eo Ianao, Tompo. Ianao no Nampanantena an’izany. Tsy afaka ny ho diso Ianao.

¹⁵⁶ Tahio ny tsirairay izay eto ankehitriny. Ary raha tsy hain’izy ireo hoe ahoana no fihazonana an’io Tady io, ka tsy mbola nikasika an’Io mihitsy izy, dia enga anie hisandratra ireo tànana masina ankehitriny, ireo tànana mila, ireo tànana maniry, ka hikasika an’ilay Tadim-pamonjena izay hitarika azy ireo ho amin’izay fanirian’ny fony, dia fiadanana tanteraka sy fahafaham-po, fitsaharana ao amin’i Kristy.

¹⁵⁷ Miaraka amin’ny lohantsika miondrika ihany, hisy ve tànana te-hitsangana eto ka hanao hoe, “Mba izaho anie. Hazony ny tànako”? Oh, hitahy anareo Andriamanitra.

Rehefa miha-maloka ny lèlana, Tompo sarobidy,
dia mitoera akaiky,
Rehefa ho tapitra ny fiaainako;
Eo amin’ny renirano no hijoroako, tariho lèlana ny
tongotro, hazony ny tànako,
Raiso ny tànako, Tompo sarobidy, tariho hatrany
aho.

¹⁵⁸ Hisy hafa ve hanangana ny tànany, hanao hoe, “Tompo, tiako ny hahatsapa ny fikasihan’ilay Tadin’aina izao hariva izao. Tiako ny hahatsapa fa Kristy efa namela ny heloko, ary tiako ny ho olom-baovao manomboka amin’izao ora izao”? Hitahy anareo Andriamanitra. Hisy hafa ve hanao hoe, “Avelao aho hikasika Anao, Tompo. Avelao aho ahafoy ny tenako”? Hitahy anao Andriamanitra, ranabavy. “Avelao aho hahafoy ny tenako, ka hahita an’izany, Tompo, ao Aminao.” Hitahy anareo Andriamanitra. Ary hitahy anareo anie Andriamanitra. Marina izany. “Avelao aho hahafoy ny tenako, Tompo. Avelao aho hanadino.” Hitahy anao Andriamanitra, rahalahy. “Avelao aho . . .” Hitahy anao Andriamanitra, ranabavy. “Avelao fotsiny aho hamoy ny fahalalako rehetra.” Hitahy anao Andriamanitra, ranabavy. Aza matoky ny rafitra nataon’olombelona. Araho ilay Mpitari-dalana, Izy no hitari-dalana anareo ao amin’ny Marina rehetra. “Tariho aho, Tompo Jesosy, tariho aho.” Andriamanitra hitahy anao iry aoriana iry. Oh, misy maro ny tànana nitsangana, miandry famonjena. Ankehitriny isika mandritra ny . . .

¹⁵⁹ Ity alitara eto ity, tsy afaka hanao antso amin’ny alitara, satria feno olona mipetraka eto. Nefa eto mihitsy Izy. Fantatrareo marina sy tsara, rehefa nanangana ny tànanareeo ianareo, dia nisy zavatra nitranga tao am-ponareo. Hoy Jesosy, “Izay mandre ny Teniko ka mino Izay naniraka Ahy, no manana ny Fiainana mandrakizay.” Nataonareo ve izany? Koa misy dobo eto feno rano. Malalaka ny fotoana hanaovana batisa. Ndeha isika hivavaka.

¹⁶⁰ Rainay any An-danitra, izay Hafatra kely mitapatapaka izay izao hariva izao tamin’ny alàlan’ny feo farina, dia tsy maintsy

hihetsika ny Fanahy Masina any ho any. Nandeha tany amin'izay tokony Nalehany Izzy, ary misy maro, Tompo, izao hariva izao, dimy ambin'ny folo na roa-polo eo no nanangana ny tànany, fa mila Mpitari-dàlana izy ireo. Tsapany fa niezaka izy ireo ny namita-tena. Niezaka izy ireo nilaza hoe "Mety tsara ny amiko," nefo ao anaty lalina ao dia fantany fa tsy izany izy ireo. Ary te-hahatsapa Anao izy ireo, Tompo. Mila an'ilay Mpitari-dàlana izy ireo. Te-hiditra izy ireo. Ianao tsy mety ho feno loatra mihitsy. Te-hiditra izy amin'izao dia izao. Tsy fantatr'izy ireo hoe ahoana no hahatongavana ao. Tsy misy mahay hoe ahoana no hitondra azy ireo ao; fa Ianao ilay hany Tokana. Tonga izy ireo ho an'ilay Mpitari-dàlana nomanin'Andriamanitra, ilay Fanahy Masina. Nanangana ny tànany izy ireo.

¹⁶¹ Fanahy Masina sy Mpitari-dàlana ô, midina eo amin'izy ireo. Mamelà ny fahotana rehetra. Mamelà ny helok'izy ireo. Ampidiro ao amin'ny Vatan'I Kristy izy ireo izao hariva izao, izay ahafahany mahatsapa ny herin'aratr'Andriamanitra hikoriana avy amin'io Tady izay hitarika azy ireo hidina ny Jordana io, ka hiampita ny Jordana ho any amin'ilay Tany nampanantenaina. Enga anie izy ireo hanaraka aorian'ny Teny mihitsy. Hoy ny Teny, "Mibebaha, ary aoka atao batisa amin'ny Anaran'i Jesosy Kristy." Enga anie izy ireo hanandrana an'izany amin'ny fomba hafa. Enga anie izy ireo hanaraka aorian'ny Teny mihitsy, satria Izzy no hany Tokana izay hitari-dàlana. Izay no—izay no dingana hihanihana mba ahafahanay hahatratra ny fihazonan'ilay Mpitari-dàlana. Ekeo izany, Tompo. Enga anie izy ireo ho Anao. Eo An-tànanao izy ireo ankehitriny, toy ny mari-pandresena, tsy misy olona afaka hanongotra azy ireo. Mino aho fa handray azy ireo Ianao, toy ny olom-boavonjy. Mino aho fa nanangana ny tànany izy ireo, tsy afaka nanao an'izany tamin'ny alalan'ny tenany izy ireo raha tsy nisy Zavatra niresaka taminy. Ianao izany, Fanahy Masina sy Mpitari-dàlana.

¹⁶² Hitan'izy ireo fa manakaiky ny ora, tonga manerana ny tany ny zavona, ireo fanekem-pinoana lehibe sy—sy ny sisa efa eo am-pikambanana miaraka, mivondrona ireo fiangonana, mivory miaraka. Ary, Andriamanitra ô, toy inona no fiezahan'izy ireo milaza hoe, "Izay rehetra mivoaka ny fenitira dia tsy maintsy miala eto ka mankàny Alaska." Ary ireo zavatra rehetra izay handrahonany, tsy vaovao aminay izany, efa nasehon'ilay Mpitari-dàlana taminay izany tao amin'ireo sakeli-dàlan'ny Teny. Eo am-pandalovana amin'ny ampanhan'io fotsiny izahay.

¹⁶³ Ray, Andriamanitra, niresaka tamin'izy ireo Ianao izao hariva izao, ary omeko Anao izy ireo ankehitriny ho toy ny mari-pandresen'ny Teny. Amin'ny Anaran'i Jesosy.

¹⁶⁴ Ankehitriny, mipetraka eto amin'ny pilopitra eto, Ray, ireto mosara, an'ireo olona marary izany, misy zazakely, angamba, misy reny, misy anabavy, misy rahalahy; misy paingo-bolo

kely aza mipetaka amin'izy ireo. Ary raisiko ho eto amiko izy ireto ankehitriny. Eny, nampianarina anay ao amin'ny Baiboly fa nalain'izy ireo avy teo amin'ny vatan'i Paoly ireo mosara sy lamba, ka sitrana ny olona narary, niala tamin'ny olona ny fanahy maloto. Tsapanay ankehitriny, Tompo, fa olona ihany Paoly, olona fotsiny ihany izy. Saingy ilay hosotry ny Fanahy Masina izay teo aminy no nitahy an'ireo mosara ireo, sy ilay finoana nananan'ireo olona ireo fa hoe Apostolinao izy. Ankehitriny efa nesorina tsy ho eo aminay Paoly ankehitriny, fa tsy ilay Mpitari-dàlana, mbola eto foana Izzy. Koa, Andriamanitra, mangataka aho mba Hitahianao an'ireo mosara ireto, ary enga anie ilay Mpitari-dàlana hitarika azy ireo any amin'ilay toerana, dia ilay fahafoizan-tena tanteraka.

¹⁶⁵ Voalaza aminay koa fa fony nanaraka ny Mpitari-dàlana ho azy ny Isirael, ka tonga hatreо Jordana, (raha ny marina) hatreо amin'ny Ranomasina Mena. Tafajanona izy ireo nefá tena teo amin'ny lâlan'ny fanarahana, nefá ilay Mpitari-dàlana no nitarika azy ireo teo. Inona? Mba haneho ny Vonitorahiny. Ary rehefa lasa ny fanantenana rehetra, dia njery tamin'ny alalan'io Andry Afo io Andriamanitra, ka na ilay ranomasina maty tranainy aza natahotra sy nisitaka nihemotra, dia nisy lâlana natao ho an'ny Isirael handehanany ho amin'ny tany nampanantenaina.

¹⁶⁶ Marina tokoa, Tompo, fa mitoetra Andriamanitra tsy miova Ianao. Mety ho Kristiana ireto olona ireto, angamba eo amin'ny lâlan'ny fanarahana mihitsy izy ireto, saingy nentina tao amin'io toerana tery io izay naneren'ny aretina azy izy ireo. Mijery amin'ny alalan'ny Rân'i Jesosy izy ireo izao hariva izao, ka hatahotra io Devoly io, hihemotra izy, ka hiampita ho amin'ilay fampanantenana ny fahasalamana tsara ireo Zanakao. Ekeo izany, Ray. Mandefa azy ireto aho avy amin'ny vatako ho any amin'ny azy ireo, amin'ny Anaran'i Jesosy Kristy.

¹⁶⁷ Asandratro eo Anatrehanao ity fiangonana ity, amin'ny finoana no hitondrako azy ireo avy hatrany eo amin'ilay alitara be voninahitra an'Andriamanitra any An-danitra. Ho an'ny faniriana rehetra ny amin'ny aretina, na inona na inona tsy mety amin'izy ireo, na inona na inona tsy mety amin'ny fiaianany any ho any, Andriamanitra, diovy izy ireo, ataoovy ho Anao izy ireo. Sitrano izy ireo, Ray. Ary enga anie ilay Hery izay nanangana an'i Jesosy tao am-pasana, hamelona ny tenan'izy ireo mety maty ka ahatonga azy ireo ho olom-baovao ao amin'i Kristy. Omeo fahasalamana tsara izy ireo sy hery hanompoany Anao.

¹⁶⁸ Tsarovy aho, Tompo ô. Mpanomponao aho. Ampio aho, mitsangana eto mila vavaka. Ary mangataka aho mba ny Fanahy Masina no hitari-dàlana anay sy hampiasa anay, ary hitarika anay hatramin'ny andro ahitanay an'i Jesosy Kristy mifanatrika amin'ilay Fihaviany be voninahitra rehefa mihaona Aminy eo

amin'ny habakabaka izahay amin'ny Fampakarana. Amin'ny Anaran'i Kristy no angatahinay izany. Amena.

Tiako Izzy, ti... (Ary ianareo?)

Satria Nitia ahy mialoha

Ka maty ho famonjena ahy

Teo amin'ny hazo tao Kalvary.

¹⁶⁹ Ankehitriny, raha tsy mifankatia ianareo izay mifankahita, ahoana no hitiavanareo Azy Izay tsy hitanareo? Ankehitriny isika raha hihira ny *Tiako Izzy*, dia ndao isika hanome an'izay eo anilantsika tolo-tànam-pitiavana avy amin'ny fo.

Tiako Izzy, . . .

[Mandray tånama an'ireo manodidina azy Rahalahy Branham—Mpand.] Andriamanitra hitahy anao, Rahalahy Neville. [Manohy mihira ny fiangonana.]

Teo amin'ny hazo tao Kalvary.

Ankehitriny asandrato ho Azy ny tånanareo.

Tiako Izzy, tiako Izzy

Satria Nitia ahy mialoha

Ka maty ho famonjena ahy

Teo amin'ny hazo tao Kalvary.

¹⁷⁰ Misy hira mahafinaritra, te-handre anankiray ve ianareo? Fantatro fa manana evanjelistra anankiray mpitarika hira avy any Indianapolis isika eto. Mino aho fa mihira ao amin'ny Cadle Tabernacle izy. Marina ve izany? Marina izany, tompoko. Izany no toerany ao amin'ny Cadle Tabernacle. Firy no mahatadidy an'i E. Howard Cadle? Oh, oadray! Andriamanitra anie hanome fitsaharana ny fanahiny sarobidy. Ilay vorona milalao eny amin'ny habakabaka, vehivavy anankiray izay tiako ny mandre azy mihira, ny tsara noho izay rehetra efa reko nihira teo amin'ny fiainako, dia Rto. Cadle, nihira hoe, "Talohan'ny nialanao ny efitranonao izao maraina izao, efa mba nieritreritra ny hivavaka amin'ny Anaran'i Kristy Mpamony antsika ve ianao, mba ho Ampinga iray anio."

¹⁷¹ Tetsy ampitan'ny arabe tetsy mihitsy indray maraina, tao amin'ny trano bongo kely nisy efitra roa, niarina aho, saika handeha aho ary hamelona afo. Tsy nety nirehitra ilay fatana. Ary niezaka aho nampirehitra azy, fa tonga ny rivotra, dia notsofiny ilay izy nankaty amin'ny tavako. Ary nangatsiaka tamin'io, efa saiky nivaingana aho. Ary ny fanala teny amin'ny gorodona rehetra, ary izaho tsy nikiraro; niezaka nampirehitra an'io fatana vy kely trrainy io, tamin'ilay fantsona kely teo aminy. Ary izaho dia... Vao avy nivady kelikely izaho sy Meda. Dia niezaka aho, fa mando ilay hazo trrainy ka tsy nety nirehitra, ary nipetraka teo aho, nieritreritra aho hoe, "Oh, oadray! Handramako indray izany." Tsy maintsy mandeha miasa aho, ka nokopakopahako tahak'izany ilay fatana trrainy

io. Ary natsotrako ny tànako ary novelomiko ny radio, dia nanomboka nihira izy, “Talohan’ny nialanao ny efiranonao izao maraina izao, efa mba nieritreritra ny hivavaka ve ianao,” lavo teo amin’ny gorodona fotsiny aho, “amin’ny Anaran’i Kristy Mpamony antsika, mba ho Ampinga iray anio?” Oh, tiako ny mandre an’io vehivavy io!

¹⁷² Rehefa hiampita ny renirano aho indray andro any, dia mino aho fa handre an’i Rtoa. Cadle izay mipetraka any aho. Fantatrareo, nanao fotoana foana aho. Any ampitan’io renirano io, misy an’ilay Hazo izay maintso foana, fantatrareo, ilay Hazon’Aina; fa any am-pita ambadik’ilay renirano, dia misy antokom-pihiran’Anjely mihira andro aman’alina, satria tsy misy alina any, mihira isan’andro, hitanareo. Haka toerana iray aho ka hipetraka fotsiny dia hihaino an’io. Mino aho fa handre an’i Rtoa. Cadle mihira aho any.

¹⁷³ Andriamanitra hitahy ny rahalahintsika. Adiniko ny anarany. Iza moa, rahalahy? [Hoy ilay rahalahy, “Ned Woolman.”—Mpand.] Rahalahy Ned Woolman no hihira ho anareo ankehitriny. Rahalahy Woolman, faly izahay manana anao eto izao hariva izao. [Mihira Rahalahy Woolman ny hoe *The Chapel Of My Heart.*]



NY MPITARI-DÀLANA MAG62-1014E
(A Guide)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 14 Oktobra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org